

摘藻堂四庫全書薈要

史部

欽定四庫全書蒼要卷七千四百四十一史部

御定資治通鑑綱目三編卷二十九

起壬寅明神宗萬曆三十年
盡壬子明神宗萬曆四十年 凡十一年

壬寅三十年春正月振湖廣災

湖廣潛江沔陽石首巴陵華容廣濟景陵平江荊門
安鄉大冶興國等州縣災荒巡按御史王立賢請將
改折緩徵錢糧潛江漢竟陵縣唐置潛江縣明
屬安陸府石首晉置縣以縣北
蠲振振貸從之質實
有石首山而名明屬荊州府巴陵晉置縣以縣岳州
府治華容漢末置安南縣隋改曰華容縣明屬岳州
府平江秦羅縣後五代唐改平江明屬明州府今皆
因之安鄉晉置縣名屬岳州府之澧州今屬直隸州

大治唐為永興縣地置大治場南唐為大治縣明屬武昌府之興國州今屬武昌府王立賢山西儀衛司人

二月振福建災

以福建晉江南安惠安同安蒲質實江江晉晉安縣田仙遊諸縣并告災分別蠲振唐折置晉江縣明為泉州府治南安三國吳置東安縣晉改為南安縣明屬泉州府莆田縣置縣仙遊唐置縣明並屬興化府今皆因之

帝不豫召大學士沈一貫具詔除弊政翼日帝瘳寢前詔

神宗信用閹人
礦稅之擾莫延
海內雖盈廷額
請若罔聞知會
遺疾而召見閹
臣盡除弊政不
可謂非轉移之
機沈一貫既承
此旨正宜迅下
所司以期廣德
音而甦民困何
乃濡遲觀望翌
日尚未奉行致
神宗得以追寢
成命真金不以
國事為心者中

皇太子因禮甫畢帝忽有疾急召諸大臣至仁德門
俄獨命一貫入啓祥宮後殿西暖閣皇太后南面立
稍北帝稍東具冠服亦南面太子諸王跪于前一貫
叩頭起居畢帝命之前曰朕病篤矣礦稅事朕因
三殿二宮工未竣權宜採取今可與江南織造江西
陶器俱止勿行所遣內監俱令還京法司釋久繫罪
囚建言得罪諸臣咸復其官言已就卧一貫尋叩頭
出擬旨以進是夕閹臣九卿俱直宿朝房漏三鼓中
使捧諭至具如帝語一貫者惟中加南京供應機房
係舊制並蘇杭織造內有御用及婚禮袍服俱著仍
舊已採徵在官金銀等件并織完裁疋燒完磁器還
著原差內官押解進用如有姦惡裁阻及驛遞應付
遲漫者指名叅處等語諸大臣期即奉行翼日帝疾
瘳悔之遣中使二十輩至閣追取前諭一貫不能持
惶遽繳入時司禮太監王義方在帝前力爭曰王言
何可反漢帝怒欲手反之義言愈力而中使已持前

涓唾請曾若輩
之不如顧既不
力持于始其後
復借星變為由
屢請罷撤陰為
阿順取容而陽
以黨弋譽究之
欲益彌彰耳

諭至後義見一貫唾曰相公稍持之礦稅掇矣
何怯也自是大臣言官疏請者日相繼皆不聽

閏二月復河套諸部貢市

先是套部市賞既罷者十有餘年二十四年乞款進
馬詔許增其價後因各部侵軼不常由是款議罷遂
復松山築邊城諸部長怨至是濟農巴爾章等諭誠
乞款兩鎮新舊撫臣皆言款便許之○時濟農巴爾
章等乞款聞延綏巡撫王見賓將去恐後款事不成
請益切在寧夏者曰珠蘇爾亦請之巡撫楊時寧兩
鎮文奏會孫維城代見賓時寧亦遷去以黃嘉善代
之二人並申約束維城議上善後六事一市貨務精
委官協辦并程以嚴最一撫賞宣撫必諗識情形如
波羅參將馬應時口習番語應令兼管一選廉幹大
武官各一員專驗馬匹臚壯堪備騎操方聽解道驗
烙一市賞須有定額軍民不許私易將官不許貪功

經管官不許扣剋及以濫物搪塞一延鎮應改搶邊
牆築圖垣如城匝以深池庶緩急無虞一定市期并
赴賞之例其進貢之馬務擇驪壯不得聚收嘉義義
上善後七事一市銀請自二十年矣後每年照數聽
鎮谷部題發一每歲之市一年無犯方准一次款市
一市分衝緩守備通判等官按地分管便于責成一
定撫賞之例如生事則議革一定易馬之額如驗堪
騎標方許分給營堡一松山近始收復不可不加計
防之如陽順陰違即當出兵勦伐一每歲彙查將領
有無失事報部處分兵部皆議覆從之自是款事之
議復
堅

河州黃河竭

陝西河州黃河水乾見底至三月水突漲壞橋并墩
房衝去陝西總督李文巡撫賈待問疏言黃河水流

水盡乾竭今歲火星失度日光如赭風霾黃霧種種變異然未有若此河之為變者河瀆之行地猶元氣之周身而貨財之流布於天下也今天下財力可謂匱絀閭閻貧府庫貧獨礦稅監使及參隨土棍之家富耳神河天險源洄流徙此脈竭財匱之象也夫民匱則愁苦愁苦則思亂直須時耳伏望罷礦稅撤中使人心既悅天意自回不報

夏四月振順天永平饑

二府所屬各州縣
告灾蠲振有差

五月四川地震

地大鳴如雷至六月
復有聲房屋俱動

六月福建地震

戊申興化泉州二府同日震辛亥
福州興化泉州三府復同日震

秋七月緬犯騰越

初雲南稅監楊崇開採阿瓦猛密諸寶井云歲可得
十萬既既而所進不得什一又開採麗江土司地勢
益橫番漢居民相率燔稅廠殺委官至是緬人以稅
使貪暴為辭攻陷蠻莫宣撫使思正奔騰越緬賊追
及之有司殺思質實猛密即孟密安撫司明神宗時
正以謝賊始解質實改為宣撫司時又析孟密地置
蠻莫安撫司

九月大星見

已未朔夜有大星見東南色血紅大如椀忽化為五
五中一星最明久之會為一星大如麤辛巳夜流星
大如雞卵青白色尾有光又流星大如椀起自參入
天苑又有大小星數百四面交錯而行禮科給事中
張問達以星變質實張問達字德
請罷礦稅不報充涇陽人

冬十月振南直隸灾

宿松望江二縣重灾准改折休寧祁門婺源等
縣以次振恤泗州虹縣等十二州縣蠲振有差質實
宿松望江並隋置縣明屬安慶府祁門唐置縣以縣
東北有峯名岐山其西南有兩石對峙如門故名明
屬徽州府虹縣唐置縣
明屬鳳陽府今皆因之

十二月大學士沈一貫奏御史巡差缺員不報

時天下御史巡行諸差務凡十有三處至是缺其九
一貫等奏請遣御史分往受事庶監察有所責成而
網紀可振不報

三十一年春正月營兩宮

復建乾清坤寧宮輔臣沈一貫等入視工程因亟言
巡漕巡倉二差及河南陝西二巡撫缺應補受差遣

發明

神宗時南北卿曹半皆虛設司道郡守比歲缺
員庶務之廢弛百司之曠職無有甚於此者

輔臣往往經年無入對之事雖有書思補衮之
忱無由徑達獨于入視工作之地乃有晝接從容
賜茶問答之候此沈一貫等所以乘名亟請也夫
巡撫為封疆表率察吏安民一方之責綦重即漕
倉巡察凡儲備經理之宜亦將賴以考核責成此
豈可申請再三而或留中不報補缺虛懸者若必

待營建兩宮而後得數盡說無論股肱情而萬事墮日滋叢脞即此藉將作之臨為納牖之舉顧可以垂諸史策哉

詔戶兵二部覈軍實

時內府所供寢多戶部困不能支九邊軍額入十六萬有奇將弁率以空名支餉且多尅減邊兵屢譁帝急命戶工二部鈎考軍實卒不能振刷也

三月吏部奏天下郡守缺員不報

時天下郡守缺者幾十之五是時南北六卿正貳亦多缺不補

沈一貫請發羣臣章疏不省

一貫等言各衙門本章例三日即下皇上初年始有留中之事至于今日有奏而不發票者有票上而不發行者皇上蓋出詳慎不輕之意且昭標縱不測之權而人心自此怠弛政務從而壅滯且歲月滋久保無乘機壅蔽藉手作奸者乎況始于權宜後遂成例何可以昭示萬世請將各衙門章疏可行者即賜先行不可行者明示改正必期無一疏不報無一事不決疏入不省

遼東火

大福堡大焚燬房屋軍器無算又火起地中大如車輪高三丈烟高三尺餘

質實

大福堡在廣寧

左屯衛西大興堡之東北

夏四月丁亥朔日有食之

是日當享太廟禮部侍郎郭正域言春秋書災異莫大于日食故禮諸侯祭見天子入門不終禮者有四日食與焉當祭而日食牲至未殺則廢況時惟四月又為正陽變異非細是日辰時食至巳時若救護後午刻祭享曾未諭時兩興大禮精裡不肅宜以質實朔旦救日詰朝享廟詔改享太廟于初五日

郭正域字美命江夏人

承天地震

二十日丙午承天府鍾祥縣地震自南方起至西北方屋宇皆震裂有聲

五月京師地震

二十三日戊寅京師地震是日鳳陽大雨雹毀皇陵殿脊

六月黜楚中尉華越為庶人

楚宗事曖昧難明當時之號為正人者大抵皆右假王之說究亦未有確憑而其難端則始于汪若泉告訐若泉為恭王密戚所言或果有見聞或妄生覬覦皆不可知彼時若即窮究根源庶可辨其真偽及事隔數十年

初楚恭王得廢疾隆慶五年薨遺腹宮人胡氏孿生子華奎華壁或言華奎乃恭王妃兄王如言妾尤金梅子華壁乃妃族人王如綺妃王玉子內官郭綸取以養之儀賓汪若泉嘗訐奏事下撫按王妃持甚堅得寢帝八年華奎嗣爵華壁亦封宣化王宗人華越者素疆禦忤王及是遣人訐華奎異姓子不當亂宗沈一貫納華奎重賄屬通政使格其疏不上月餘華奎劾華越疏至乃上之事下禮部未幾華越入都訴通司邀截實封及華奎時賄狀楚宗與名者凡二十九人通政司懼召華越令更易月日以上旨并下部署尚書事郭正域楚人也頗知假王事請勘虛實以定罪案一貫右華奎言親王不當勘但宜體訪正域以事關宗室不經勘問誰敢分割華奎懼奉百金為正域壽且屬母竟楚事當酬萬金正域嚴拒之已而

華越復以挾嫌
訐訟尤不可不
明勘虛實以破
疑竇而息羣囂
乃沈一貫獨執
宜訪不宜勘之
言委之撫按仍
歸顛預了事通
足招疑謗之口
于是閭閻禮臣
互相袒護攻擊
紛如以報復相
尋轉致楚宗曲
直于不問朝局
之壞益至是時
而極矣

撫按行勘皆言無左驗而華越妻乃王如言女持偽
王說甚堅廷議令覆勘詔公御集議于西闕門議者
三十七人各具一單言人人殊李廷機以禮部左侍
郎代正域署部事正域欲盡錄諸人議廷機以辭太
繁先撮其要以上一貫嗾御史康丕揚等劾禮部壅
闕羣議不以實聞正域亦發一貫匿疏沮勘及華奎
饋遺事中旨以楚王襲封已二十餘年何至今始發
且夫訐妻證不足憑據遂坐華越等誣奏降庶人銅
之鳳陽明年萬奎獻萬金助工經漢陽宗人疑其輸
賄遮奪之巡撫趙可懷屬有司捕治宗人方恨可懷
治楚獄不平持兵突入撫署繫殺可懷于是逮捕
諸宗人置重典者六人禁錮閒住者四十五人

實

楚恭名英燦顯榕次子
子康丕揚濟南陵縣人

山東水

泰安州大水溺死男婦八百餘口屋宇傾圮千餘間

秋七月京師大雨雹

時祁州安肅並大風雨水雹頃刻水深尺餘拔樹折禾苗稼盡傷祁州復大水田廬盡沒城垣傾壞清苑蝗食禾質實祁州唐置州明屬保定府清苑北齊縣如蟻樂鄉縣明為保定府治今並因之

八月禮部侍郎郭正域罷

初正域之入館也沈一貫為教習師復闕授編修不執弟子禮一貫不能無恨及一貫為首輔沈鯉次之正域與鯉善而心薄一貫楚王之獄正域右華越積忤一貫給事中錢夢阜遂希一貫指劾正域陷害親藩楊應文又言正域父懋嘗笞辱于魯恭王故正域因事陷之正域疏辨言恭王卒於隆慶時臣父方

以舉人任知州何由被筭留中不報因乞休去已而華奎亦奏劾正域略如應文言且許其不法數事請褫正域官詔下部院集議李廷機謂正域已去可無苛求給事中張問達言藩王欲進退大臣不可訓乃不罪正域而令巡按御史質實錢夢臯富順人勤王所許以聞皆無狀應應文無錫人

冬十一月獲妖書

先是刑部侍郎呂坤嘗撰閩範圖說太監陳矩購入禁中帝以賜鄭貴妃妃重刻之二十六年秋或撰閩範圖說跋名曰憂危竑議其文託朱東吉為問荅東吉者東朝也其名憂危以呂坤曾有憂危一疏因借其名以諷言坤書首載漢明德馬后由宮人進位中宮意以重妃而妃之刊刻實藉此為奪嫡地妃兄國泰以給事中戴士衡嘗糾坤全椒知縣樊玉衡並糾貴妃疑出自二人手言於帝帝重譴二人事遂寢至

是續憂危竑議復出朱賡于寓門外獲之其詞假鄭福成為問荅鄭福成者謂鄭氏子福王當成也大畧言帝立東宮出于不得已他日必當更易其用朱賡為內閣者以賡更同音寓更易之意詞極詭妄時人謂之妖書帝大怒敕有司大索奸人沈一貫以楚宗事銜郭正域又以沈鯉與已地相逼而正域罷欲因是陷之乃為帝言臣下有欲相傾者為之蓋微引其端以動帝意亡何錦衣衛都督王之禎等四人以妖書有名指其同官周嘉慶為之東廠又捕獲妖人鰲生光巡城御史康丕揚為生光訟寃言妖書楚事同根柢請少緩其獄賊兄弟可授首闕下意指正域及其兄國子監丞正位帝怒以為庇反賊除其名一貫力救始免丕揚乃先後捕僧人蓮觀醫者沈令鸞等而同知胡化則告妖書出教官阮明卿手未幾廠衛又捕可疑者一人曰毛尚文數日間銀鐺旁午都城人人自危嘉慶等皆下詔獄嘉慶旋以治無驗令革

革任回籍令譽故嘗往來正域家達觀亦時時游貴
人門嘗為正域所榜逐尚文則正域僕也一貫丕揚
等欲自數人口引正域而化所訐明卿則錢夢臯壻
夢臯大恚上疏顯攻正域言妖書刊播不先不後適
在楚王疏入之時蓋正域乃沈鯉門徒而沈令譽者
正域食客胡化又其同鄉同年羣姁結為死黨乞窮
治根本定正域亂楚首惡之罪勒鯉間住帝令正域
還籍聽勸急嚴訊所捕者達觀拷死令譽亦幾死皆
不承法司迫化引正域及歸德歸德鯉邑名化大呼
曰明卿我仇也故訐之正域舉進士二十年不通問
何由同作妖書我亦不知誰為歸德者帝知化枉釋
之都督陳汝忠掠訊尚文遂發卒圍正域舟于楊村
盡捕媼婢及傭書者男女十五人與生光雜治終無
所得拷生光妻妾及十歲兒以鉞刺指爪必欲引正
域皆不應生光仰視夢臯丕楊大罵曰死則死耳奈
何教我迎相公指妾引郭侍郎乎久之獄不能具會

皇太子在東宮數語近侍曰何為欲殺我好講官諸人聞之皆懼而陳矩提督東廠屢會法司拷訊心念獄無主名帝必怒甚恐輾轉攀累無已遂與法司歸獄生先磔之釋諸波及者正域始得歸○初沈鯉將入閣年七十一矣沈一貫以士心夙附鯉深忌之欲諷鯉辭召命乃貽書李三才曰歸德公來必奪吾位將何以備之三才答書言鯉忠實無他腸勸一貫同心一貫由此并憾三才鯉既至即具陳道中所見礦稅之害他日後與廢疏論之皆不納楚假王被訐事起禮部侍郎郭正域請行勘鯉是之及奸人所撰續憂危竑議發一貫輩張皇其事令其黨給事中錢夢皋直指為正域鯉所造并羅織鯉奸贓數事帝察其誣不問而一貫輩使邏卒日夜操兵闖其居已而事解復譖鯉詛咒鯉嘗置小屏閣中列書謹天戒恤民窮開言路發章奏用大僚補庶官起廢棄舉考選釋寃獄撤稅使十事而書其上曰天啟聖聰撥亂反治

八字每入閣輒焚香拜祝之譏者質實呂坤字叔簡遂指為誣呪帝深知鯉不之信也寧陵人陳矩

安肅人戴士衡字章尹蒲田人樊玉衡字以齊黃岡人繳生光順天生員性險賊多脅取人財又嘗偽作富商包繼志詩有鄭主乘黃屋之句以脅鄭國泰及繼志金故錦衣衛疑而捕之

發明

沈一貫以楚獄銜郭正域又因沈鯉名位逼已遂遽借妖書一事欲羅織二人于極典輔

臣身東國鈞而居心狡險若此則是將朝廷紀綱法度恣以行其生殺愛惡之私國事尚可問乎尤可異者御史康丕揚等復曲意阿附執正直謂妖書楚獄同一根柢傳會株牽幾成莫須有之大獄以殺人之事媚人乃至顛倒是非變亂黑白雖久之而獄未能具然一時輦轂之下人人自危矣厥後三案繼起聚訟紛爭流毒無已早于此階之厲耳

致仕東閣大學士王家屏卒

家屏歸後八年儲位始定遣官齋
勅存同及士卒贈少保謚文端

甲辰三十二年春三月閣臣請補司道郡守及遣巡方御

史不報

沈一貫擬各差御
史敕以上不省

乾清宮成

叙賞工
部官

夏四月辛巳朔日有食之

時大同陽和等處流星大如斗先白後赤光芒燭地

閣臣請補科道官缺不報

沈一貫等上疏催補科道行取考選吳道行等四員熊鳴夏等三員散館題授王元翰等八員不報

實

吳道行宜興人熊鳴夏江西豐城人王元翰雲南寧州籍南直隸鳳陽人

開濬加河成

加河界滕嶧間南通淮海引漕甚便前總河侍郎翁太立首議開濬已都御史傅希摯復言之朝廷數遣官行勘迄無成畫其後尚書舒應龍創鑿韓莊以引微山湖之水劉東星又開良城侯莊以試行運時漕舟行加河者十之三東星卒官後遂止至是總理河道工部右侍郎李化龍與淮揚巡撫李三才循東星

舊跡修之由直河入泃口抵夏鎮凡二百六十里避
黃河呂梁之險會化龍憂去侍郎曹時聘終其事由
是泃河遂為**質實**泃有東西二河今運河上自山東
漕道永利

質實

滕縣下至江南邳州統謂之泃河

韓莊在嶧縣微山湖東今有開良城在邳州北漢置
良城縣晉改良城唐省侯莊在韓莊東今為侯仙閘
直河在邳州東蒙沂諸山之水所匯直河入泃口在
邳州西北李化龍疏言河自開歸而下合運入海其
路有三由蘭陽道考城至李吉口過堅城集入六座
樓出茶城而向徐邳是名濁河為中路由曹單經豐
沛出飛雲橋泛昭陽湖入龍塘出秦溝而向徐邳是
名銀河為北路由藩家口過司家道口至河家隄經
符離道睢寧入宿遷出小河口入運是名符離河為
南路南路近陵北路近運惟中路既遠於陵亦濟於
運前督臣排羣議以興茲役竟以資用乏絕不得竣
事然自堅城以至鎮口河形尚爾宛然故為今之計

唯循故跡開泃河其善有六其不必疑有二泃河開而運不借河有水無水聽之善一以二百六十里之泃河避三百三十里之黃河善二運不借河則我為政得以熟察機宜而治之善三估費二十萬金開二百六十里比朱尚書新河事半功倍善四開河必行召募春荒後興麥熟人散富民不苦賠窮民得以養善五糧過洪必約春盡實畏河漲運入泃河朝暮無妨善六為陵悍患為民禦災無疑者一徐州城向苦洪水暴至泃河既開除民之為魚者亦少無疑者二疏下戶部議至四月庚戌工部尚書姚繼可言泃河業有成績泃成而漕可藉矣至於黃河衝徙魚鼈豐沛若非因勢利導何以拯救元元總河議于堅城集以上開渠引河而下流多通復分六座樓苑家樓二路而水勢多殺既可以移豐沛之患又不至沿陽山之域行所無事莫善于此自今開泃分黃兩工並舉並從之曹時聘獲鹿人

五月雷火焚長陵明樓

是時陳言虎祿
幾不惜指斥詆
諆神宗一切漠
然置之既難期
納牘之明並不
見櫻鱗之怨沈
鯉等乃欲藉素
服冒雨覲得一
為動心見亦疎
矣觀于因疾草
革除之詔疾瘳
即便追還遇灾
責實政之修灾
過依然不省其

帝以陵穴下詔資實政大學士沈鯉請除礦稅屬沈
一貫朱廣各為一疏俟時上之一日大雨鯉曰可矣
一貫等問故鯉曰帝惡言礦稅事疏入多不視今吾
輩冒雨素服詣文華奏之上訝而取視亦一機也一
貫等從其言帝得疏疑必有意事啟視果為心動戶
部尚書趙世御亦上疏力請帝優答之然不為罷

質實

趙世御字象賢歷城人疏言今日實政孰有切

于罷礦稅者古明王不貴異物今也取悖入之
財斂蒼生之怨節儉之謂何是為君德計不可不罷
者一多取所以招尤慢藏必將誚盜鹿臺鉅橋必致
倒戈之禍是為宗社計不可不罷者二古者國家無
事則預桑土之謀有事則議金湯之策安有鑿四海
之山摧三家之市操弓挾矢戕及良民燬室踰垣禍
延雞犬經十數年而不休者是為國體計不可不罷

因循莫振誠非
一朝夕之故而
猶欲以口舌力
爭如石投水庸
可冀乎

者三貂璫漁獵翼虎咆哮幾掘冢墓則枯骨蒙殃奸
虐子女而良家飲恨人與為怨謹諫屢聞是為民困
計不可不罷者四國家財賦不在民則在官今盡括
入奸人之室故督逋租而逋租絀稽關稅而關稅虧
搜庫藏而庫藏絕課鹽災而鹽災薄徵贖緩而贖銀
消外府一空司農若掃是為國課計不可不罷者五
天子之令信如四時三載前嘗曰朕心仁愛自有停
止之時今年復一年更待何日天子有戲言王命委
草莽是為詔令計不可不罷者六陛下試思服食宮
室以至營造征討上何事不取之民民何事不供之
上嗟此赤子曾無負于國乃民方懽呼以供九重之
欲而陛下不少遂其欲民方奔走以供九重之勞而
陛下不少恤其難反之于心必有不自主安者今天譴頻仍
變不虛生故欲回天意在恤民心欲
恤民心在罷礦稅無煩再計而決也

六月太白晝見

沈一貫等以災異疊見疏請罷礦稅出繫囚補闕員
發臣下章奏帝答以修省實政俟次第舉行一貫等
又言侯之為言有何底極臣等非不欲
俟而天下危亂恐有不能俟者帝不省

昌平太水壞長泰康昭四陵石梁

并壞陵垣蟲食
長陵松柏葉盡

秋七月大雨水

京師大霖雨兩月不止正陽崇文二門城牆中陷者
七十餘丈民居多壞發銀十萬兩振被水居民時永
平府屬諸州縣大
水溺死男婦無算

八月羣臣伏文華門疏請修舉實政詔切責之

文武大小九卿科道持公疏齊赴文華門奏請修實政詔切責其瀆擾朝儀沈一貫言欲朝儀靜肅當收天下之心欲收天下之心當恤天下之言近年天下久罹礦稅之苦而又習聞停止之言跂望恩綸以日為歲諸臣千章萬牘總出懇誠豈可罪之為激為瀆乎

閏九月陝西地震

鞏昌府禮縣地震聲如雷一質實禮縣元禮店明成化中置禮縣屬鞏

昌府之秦州今屬秦州直隸州

振畿南諸府饑

畿南諸府州縣水患異常詔以太僕寺振濟餘銀分振尋命于順天保定等處發通倉米平糶

冬十月四川天鼓鳴

四川華陽縣天鼓大鳴似雷非雷

質實

華陽本成都縣地唐乾元初改華陽縣明為成都府治今

因之

乙巳三十三年夏五月京師大雨雹

自四月至是京師再雨雹

鳳陽大風雨毀陵廟

雨壞孝陵正殿寶座

雷震郊壇

雷火擊毀南郊望燈高杆杆高十丈餘碎上段三丈餘為百數十片皆有火痕其下六丈餘左右各有爪痕損

廣西地震

廣西陸州縣地震聲若頽山域質實陸川唐置縣明垣屋宇多壞壓死男女無算屬梧州府鬱林

州今屬鬱林直隸州

左都御史溫純罷

純清白奉公五主南北考察澄汰悉當妖書事起力為沈鯉郭正域辯訟又楚宗人殺撫臣純言無反狀

溫純清白自持奉職回稱無忝

即其為沈郭雜
明証枉亦人心
公道所存至于
楚宗倡亂敢于
持兵入署擊殺
封疆大臣實與
叛逆無異逮治
俾正厥辜實不
為枉乃純轉力
明其無反狀未
免縱惡失刑其
後孫慎行復襲
前說請釋諸宗
當時亦共聽其
議總由諸人深
嫉一貫凡所措

積忤沈一貫時大計京朝官純與吏部侍郎楊時喬
主之一貫所欲庇者鍾兆斗錢夢皋等皆在謫中一
貫怒言于帝降旨切責純察疏亦不下盡留被察科
道官純力求去夢皋等遂連章訐純楚事証以納賄
給事中陳嘉訓極論夢皋兆斗等朋比為奸請聽純
歸以全大臣之體帝予純致仕夢皋兆斗亦罷歸是
時京察章疏一貫請留中主事劉元珍龐時雍御史
朱吾弼等力爭之謂二百年來計典疏無留者時南
京察疏亦留中**質實**楊時喬字宜遷上饒人鍾兆斗
後迫眾議始下**質實**海鹽人陳嘉訓鄱陽人劉元珍
字伯先無錫人龐時雍汶上人朱吾弼字諧卿高安人

秋七月秦州天有聲如潮

秦州天鳴有聲如潮而怒起自南方轉東而下數日
不止鎮江宜興等處亦同時鳴而鎮江西南山裂開

置必欲一切力
矯之是皆朋黨
偏見固結于中
竟不以朝廷事
理曲直為念耳

二三尺巡按御史黃汝吉江防御史李雲鵠各疏以
聞并言南京兵部尚書與鎮江道府諸官久闕亟請
推補
質實 宜興元宜興州明洪武二年改縣
屬常州府今因之李雲鵠內鄉人

九月昭和殿災

蜀內官等下法司
質實 昭和殿在西苑孫國教燕都
提問治罪有差
遊覽志雲南臺在太液池之
南上有昭
和殿北向

京師地震

丙申申刻自東北
向西南連震二次

冬十月濬朱旺口

前年河決豐縣單縣口亦潰魚臺濟寧間平地成潮
河臣李化龍上言自沁河既成起直河至夏鎮與黃
河隔絕山東南直間河不能為運河害獨朱旺口以
上決單則軍治決曹則曹魚及豐沛徐邳魚碭皆命
縣一線隄防宜急會化龍憂去曹時聘代至是時聘
大濬朱旺口凡役夫五十萬六閱月工竣自朱旺達
小浮橋延袤百七十里渠廣隄厚河歸故道焉○時
河道總督曹時聘言舊河既疏決口已塞勢必沛然
東下新挑之河其深廣僅半上源則放水之後行隄
亟宜補築即曹縣之王家口曹家樓儀封之小宋集
蘭陽之銅瓦廂祥符之張家灣北之伏秋防守更宜
加謹其最險要者王家大壩黃壩新隄皆洶溜經行
之處令管河各官儲料集夫時刻防備勿懈時工部
又奏總河大挑之後業已奉旨興工矣朱旺口二股
原係黃河中路北股出濁河者再疏再壅南股出小
浮橋者地形卑下可因就下之河形復已湮之故道

其間義安之建壩徐州之砌隄正使本不旁溢滔滔東注弗蹈往者黃堦符離之故輒為泗濱憂蓋濟運獲陵未始不兩利而兼成耳今如前議疏浚引水東注或於南岸倍加封幫築勿令侵潰仍將下流分水之說詳求至當以質實朱昭口在底成功並從之

質實

碭山縣西

十一月皇長孫由校生

選侍王

質實

皇長孫即熹宗選侍明制太子女侍有淑女選侍才人名號王氏順天人

十二月詔罷天下開礦以稅務歸有司中使仍留不撤

自礦稅使設廷臣諫者不下百餘悉寢不報自二十五年至是年諸璫所進礦銀幾三百萬兩金珠寶玩貂皮名馬雜然進奉帝以為能會長至日沈一貫在告沈鯉朱賡謁賀仁德門帝賜食司禮監陳矩侍鯉

因極陳礦稅害民狀且言礦使破壞天下名山大川靈氣盡矣悉于聖躬不利矩乃具為帝道之帝悚然遣矩咨鯉所以補救者鯉言急停開鑿則靈氣自復帝為首肯一貫慮鯉獨收其功急草疏上帝不憚復止踰月始下停礦之命以稅務歸有司歲輸所入之半于內府半戶工二部然中使不撤吏民尤苦之其害遂終

帝世

發明

自神宗三十年詔罷礦稅并撤中使旋不果行至是又復數年其弊日甚一日中間廷臣

籲請者踵相繼而悉置不報幸沈鯉以危言入奏神宗方惕然悚懼此正轉移之一機為閣臣者自宜和衷調濟協力同心務使弊政速除庶為有裨乃一貫轉慮鯉獨收其功章疏觸忌遂致停留踰月是惟知以爭權弋譽為能全不從國是民瘼起見一貫前既以奉行不速致使反汗德音茲復以

嫉善妬賢有乖將順之義其罪實無可逭矣至開
礦雖停而中使依然不撤禍本猶在除惡務盡之
謂何即沈鯉亦
不能辭其咎也

赦

以皇長孫生
詔赦天下

丙午三十四年春二月大學士沈鯉朱賡請補六部大僚
不報

鯉賡奏言臣昨同文武百官齊赴文華門候駕見二
品班內止戶部尚書趙世卿一員其餘尚書左右侍
郎員缺甚多官聯廢缺一至於此政務叢脞誰為修
明理亂所關良非細故乞於前後會推人數內亟賜

黜用以慰中外之望不省

三月雲南指揮賀世勲等殺稅監楊榮

雲南孟密土司有寶井正德以後多以內臣掌之及榮願稅使妄奏井多晴綠珍瑰之屬可歲數十萬帝特賜之專勅而榮所進不得什一會緬賊侵蠻莫其執詞以奉稅使今令殺宣撫思正以開道路正奔騰越緬人追之有司不得已殺正以謝賊乃退既而榮又請麗江土知府木增獻地聽開採巡按御史宋興祖言太祖令木氏世守茲土限石門以絕西域守鐵橋以斷土番柰何自撤藩蔽生遠人心不報榮由是怙寵益橫番漢居民恨入骨相率燔稅厰殺委官榮猶弗悛恣行毒虐杖斃數千人至是以求馬不獲繫指揮使賀瑞鳳且言盡捕六衛官于是世勲等率寃民萬人焚榮第殺之并殺其黨二百餘人事聞帝為

不食者數日欲逮問守土官閣臣沈鯉揭爭且密囑太監陳矩劄陳帝乃止誅首兇世勲等時高淮徵稅遼東時時出塞射獵發黃票龍旗走朝鮮索珠冠貂馬數與邊將爭功山海關內外咸被其毒于是前屯衛軍盡甲而譁誓食淮肉未幾錦川松山軍復變淮所遣承舍吳守政自剄死淮懼內奔閣臣朱賡言未踰月而遼境四亂皆淮所致饑軍合叛者衆臣不知其所終矣不報

質實

鐵橋在麗江府西北宋興

祖中
江人

發明

遼東為京師屏障尤非漠南可比而高淮竟敢出塞射獵與邊將爭功甚至擅發旗票索

賄外藩毫無法紀以致悍卒屢變邊境騷然此較前時中宮監稅之剝民為害者情罪更不相侔乃高淮因軍變輒以京師為遁逃藪而神宗亦竟聽其內奔而不問迨朱賡進言仍付不報既不正淮

誤國之罪亦不究遼軍合叛之由罪瑞亂兵皆法
所不宥而俱得脫然無事是朝廷直不以疆事為
念矣又豈特縱
一官寺已哉

真定順德廣平大名災蠲振有差

從直隸巡按御

質實

錢極太

史錢桓請也

倉州人

貴州巡撫郭子章討諸苗平之

先是貴州東西二路苗名曰仲家苗介於銅仁者曰
山苗紅苗之羽翼也窺黔自平播後財力殫弱有輕
漢心經年剽劫無虛日子章請命于朝命總兵陳璘
參政洪澄源率漢兵五千益以土兵五千監軍布政
使趙健率宣慰安疆臣領番兵萬人使遊擊劉岳等
督之兩路並進九十餘日而克之兩路既平乃專責

總兵陳璘率漢土兵五千進攻東質實銅仁元屬思州軍民安撫路苗不一月克其六箐諸苗盡平
司民永樂中置銅仁府今因之
洪澄源晉江人趙健涇縣人

夏六月幾內蝗

自春正月至夏不雨及是順天
文安永清二河寶坻諸縣大蝗

秋七月沈一貫沈鯉罷

給事中陳嘉訓御史孫居相交章詆一貫奸貪一貫
憤求去帝為黜嘉訓奪居相俸而允一貫歸一貫數
與沈鯉懽去後鯉為己憂因密傾之帝亦嫌鯉方鯉
會鯉同時乞休遂並命致仕而一貫獨得溫旨焉○
鯉遇事秉正不撓歷於一貫志不盡行而是時一貫
數被論引疾杜門鯉乃得行閣事皇孫生詔赦天下

中官請徵茶蠟夙逋鯉以戾詒旨再執奏竟報寢帝
乳母翊聖夫人金氏其夫官都督同知歿請以從子
繼鯉言都督非世官乃己真人張國祥謂皇孫誕生
己有祝釐功乞三代誥命且世襲詹事主簿鯉力斥
其謬乃賚以金帶帝惑中官言將察核幾輔收地諭
鯉撰勅鯉言近年以來百利之源盡籠於朝廷常恐
勢極生變況此敕地豈真有豪右隱占新墾未科者
奸民所傳未足深信遂止雲南武弁殺稅使楊榮帝
怒甚將遣官逮治鯉具陳榮非狀請誅為首殺榮者
而貸其餘乃不果逮陝西稅使梁永求領鎮守事亦
以鯉言罷遼東稅使高淮假進貢名率所統練甲至
國門鯉中夜密奏其不可詔責淮而止時一貫雖稱
疾杜門而章奏多即家擬旨鯉力言非故事是以一
貫密傾之鯉既歸至家疏謝猶極陳怠政之弊以明
作進規年八十遣官存問賚銀幣鯉奏謝復陳持政
要務又五年卒年八十五贈太師謚文端一貫輔政

十有三年當國者四年枝挂清謀好同惡異與前後諸臣同治楚宗妖書京察三事獨犯不韙之名論者醜之雖其黨不能解免也一貲歸言者質實孫居相追劾之不已其鄉人亦多受世詆諆云質實字伯輔沁水人

冬十二月棄六堡

初六堡既築生聚日繁至六萬四千餘戶至是李成梁以地孤懸離守與總督塞達巡撫趙輯建議棄之盡徙其居民於內地居民懸懸家室其有不從者則以大軍迫之死者狼籍給事中宋一韓力言棄地非策御史熊廷弼亦以為言帝卒質實塞達重慶人宋用成梁議自是遠左藩籬盡撤質實一韓陳州衛人熊廷弼字飛百江夏人

丁未三十五年春正月給事中翁憲祥言撫按官不宜聽其自去不報

是時官方多滯撫按官候代或十餘年不歸部郎俸深多借差以出會有江西巡撫許宏綱之事宏綱以父艱告歸薦陸長庚王佐自代不復候命解組而去於是吏科右給事中翁憲祥言撫按官解任宜候命不宜聽其自去不省故事正郎不奉使撫按必候代至是多反之時大僚多缺侍郎楊時喬楊道賓旬日間相繼物故吏禮二部長貳遂無一人兵部止一尚書養疴不出戶刑工三部暨都察院通政大理皆無見官憲祥言九卿俱曠大傷國體

因陳補闕官起遺佚數事報聞

質實 翁憲祥字兆隆當熱人

夏四月伊勒登岱青犯沛州官軍擊破之

時松山既復寇復據賀蘭山結青海諸部寇鈔不已
伊勒登岱青尤桀驁三十三年連營入犯總兵官達
雲與副將柴國柱擊之寇大敗去未幾青海寇復大
入將士分道遮擊生擒其將薩賴餘敗走至是伊勒
登岱青復連兵犯涼州雲與國柱及副總
兵官秉忠逆戰大破之寇屢被挫悉去
寧衛人秉忠榆林衛人○伊勒登岱青
舊作銀定反成薩賴舊作沙賴今並改

質實

柴國柱西

五月以于慎行李廷機葉向高俱為禮部尚書兼東閣
大學士預機務

時內閣惟朱賡在帝命增置閣臣廷推慎行李廷機向
高三人遂用之并召還王錫爵三辭不允時言官方
厲鋒氣錫爵進密揭力詆中有上於章奏一概留中
特鄙夷之如禽鳥之音等語言官聞之大憤交章論

勅錫爵閣門養
重竟辭不起
質實
葉向高字進
卿福清人

六月湖廣及徽寧太平嚴州大水

湖廣黃州府蘄州黃岡黃梅羅田等處大水漂沒廬
舍武昌承天鄖陽岳州常德等府先各亢旱入夏大
雨至是民舍漂沒數千家南直徽寧太平等府山水
大湧繁昌黟歙南陵等縣溺死男婦無算浙江嚴州
山水大湧建德桐廬浮安遂
安分水五縣漂沒者數千戶
質實
黃州府治黃梅隋
置縣明屬黃州府繁昌漢春穀縣地東晉僞置禁昌
縣繁昌本漢潁川郡屬縣也隋并縣入當塗南唐始
復置繁昌縣明屬太平府黟縣秦置縣明屬徽州府
南陵梁置縣明屬寧國府建德漢富泰縣地三國時
吳析置建德縣明為嚴州府治桐廬漢為相溪鄉吳
黃武中置桐廬縣遂安晉置縣分水唐置縣明並屬

嚴州府令

皆因之

秋七月京師久雨

溝洫皆壅閼晝夜如傾壞廬舍溺人民東華門內城垣及德勝門城垣皆圯禮科右給事中汪若霖疏言雨者陰氣水者陰象陰盛則雨災見其應在禁闈及臣下有邪謀今東宮五年不學諸臣悠悠莫以為意大臣比周私相植黨詩云不令不寧百川沸騰其咎乃在皇父卿士今日之事誠足寒心未可僅以齊禱為大而己戶科給事中江灝亦陳郊廟朝御日講及聽言求人理財六事以為消弭之方皆不報

實

汪若霖字時甫光州人江灝漳浦人

八月振畿內飢

先是命太僕寺發銀十萬兩振救壓傷窮民至是復命五城御史查勘災荒先京城次及直隸各府劑量重輕一體振恤并令外省各撫按官搜括庫藏及預備義社等倉振濟饑民

彗星見

自是月辛酉朔見于井度色蒼白尾指西南約長二尺漸往西北至丁丑厯于房兵科給事中宋一韓上言春秋二百四十二年字見者一終綱目之世彗見十七今彗星復見東升其咎安在臣謹按星野東井秦分彗尾指西南漸往西北又指秦地秦其急乎今套虜久留青海儻有陰謀必且波及內地又土官魯先祖勢重氣驕鋤之不動其心愈肆兵爭之端必起于此且彗者掃除之象刑人之職也小人用之以掃除為職君子用之以除舊布新今李鳳鯨噬於粵東潘相蠃螫於江右其他諸處內使其為掃除之役等

耳宜因此變悉撤之因而一新舊令勤政講學親賢
遠奸復三朝之制補九列之班平積薪之歎沛賜環
之詔作臺諫之氣決章疏之壅慎節鉞之選懲債帥
之風出禁藏之儲杜罔寺之借釋詔獄之寃紆都民
之困
不報

冬十月山東旱饑蠲振有差

山東各屬以旱災告其被災最重者禹城濮州臨邑
陵等二十六州縣次重者商河平原鄒平德平等二
十三州縣又次者沂州寧陽長清德
州肥城等十二州縣俱酌量振濟
質實禹城唐置
南府今因之商河宋置縣明屬武定州今屬武定府
鄒平後漢置縣明屬濟南府長清隋置縣明屬濟南
府今皆因之肥城古肥子國漢
置縣明屬濟南府今屬泰安府

十一月于慎行卒

初慎行由詹事遷禮部尚書明習典制諸大禮多所裁定先是嘉靖中孝烈后升祔祧仁宗及帝初元穆宗升祔復祧宣宗慎行謂非禮作太廟祧遷考言古七廟之制三昭三穆與太祖之廟而七劉歆王肅並以高曾祖禰及六世五世為三昭三穆其兄弟相傳則同堂異室不可為一世國朝成祖既為世室與太祖俱百世不遷則仁宗以下必實厯六世而後三昭三穆始備孝宗與睿宗兄弟武宗與世宗兄弟昭穆同不當各為一世世宗升祔距仁宗止六世不當祧仁宗穆宗升祔當祧仁宗不當祧宣宗引晉唐宋故事為據其言辨而覈事雖不行識者服其知禮又言南昌壽春等十六王世次既遠宜別祭陵園不宜祔享太廟亦寢不行十八年正月疏請早建東宮出閣講讀及冬又請帝怒再嚴旨詰責慎行不為懾明日

復言冊立臣部職掌臣等不言罪有所歸幸速決大計放歸田里帝亦不悅責以要君疑上清亂國本及僚屬皆奪俸山東鄉試預傳典試者名已而果然言官遂劾禮官皆停俸慎行引罪乞休章累上乃許之家居十餘年中外屢薦率報寢三十三年始起掌詹事府疏辭復留不下居二年廷推閣臣七人首慎行詔加太子少保兼東閣大學士入參機務再辭不允乃就道時慎行已得疾及廷謝拜起不如儀上疏請罪歸卧於家遂草遺疏請帝親大臣錄遺逸補言官數日卒慎行學有原委貫穿百家神宗時詞館中以慎行及馮琦文質實馮琦字用學為一時冠韞臨朐人

十二月蠱陷武定

武定自洪武十四年以女土官商勝首先歸附詔設土知府即以勝署府事至正德初武定阿英以賄通

劉瑾得襲土知府改姓鳳氏嘉靖中土舍鳳朝大與
尋甸上舍安全合兵為亂官軍討誅之未幾鳳繼祖
復判繼祖木他姓子冒姓鳳氏宗謀嗣職遂發兵圍
府刼掠州縣屢敗官軍會鎮撫官督諸道兵並進繼
祖走東州婦家賊帥者色斬之以獻朝廷以武定屢
叛乃改設流官授鳳厯子思堯為經歷厯以思堯不
得知府怨望復謀作亂誅死鳳氏王職盡絕至是鳳
繼祖之孫阿克徙居金沙江有馬頭四十八人而鄭
舉稱首慄悍多力富于財知府陳典收禁之舉以兼
金置魚腹中饋典獲免已復收之如是者再四舉惡
其無厭乃誘阿克作亂陰結會川諸蠻攻陷武定大
肆刼掠連破元謀羅次諸城索府印會知府攜印會
城不能得乃刼推官直抵會城請冠帶印信鎮撫以
徵兵未集遣人以府印授之賊退入武定立阿克為

知質實府

元謀元縣今屬武定府羅次
元州後改縣今屬雲南府

戊申三十六年春正月河南江北饑

戶部言山東河南及南直之淮安鳳陽徐州揚州諸屬水旱為災請發帑振濟不報

二月京師地震

昌平州亦震

飭邊備

是時蒙古哈爾哈諸部悉歸我大清薊遼總督塞達跪請為備廷臣亦請亟罷礦稅以安人心不省尋命守臣飭備邊

夏六月南畿大水

南京科道等官揭報淫雨連綿江朝泛漲自留京至蘇松常鎮諸郡皆被淹沒益二百年來未有之灾乞速行振濟禮科都給事中胡忻言部院藩臬諸官懸缺不補人民愁怨召診宜籌所以修省之實不報

質實

胡忻陝西秦州人

李成梁罷

成梁始鎮遼東銳意封拜師出必捷威鎮中外已而位望益隆子弟盡列崇階僕隸無不榮顯貴極而驕奢侈無度軍貨馬價鹽課市賞歲乾沒不貲全遼商民之利盡籠入己以是灌輸權門結納朝士中外要人無不飽其重賕為之左右其戰功率在塞外易為緣飾若敵人內地則以堅壁清野為辭擁兵觀望甚或掩敗為功殺良民冒級閣部共為蒙蔽以故物議沸騰後申時行許國王錫爵相繼謝政成梁失內主

遂以去位其所藉健兒李平胡孫守廉輩皆富貴擁
專城又轉相掊克士馬為之消耗及成梁再鎮遼又
議棄六堡為言者論劾帝素眷
成梁不之罪及是罷久之卒

秋七月京師地震

丁酉京師震甲寅北直
隸各府州縣同時俱震

八月振南畿及嘉興湖州饑

十二月再振
南畿免稅糧

九月武定賊平

鳳阿克既自立為知府益結賊徒四出焚掠巡撫陳
用賓總兵沐畎俱以失事下獄論死時尋甸土目楊

禮亦結大頭色者及土婦海冲為亂攻破嵩明吏目
韋宗孝學正龍旌死之官吏多為賊殺御史周懋相
急調雷益等處土兵擊之屢戰皆捷及是鎮撫官分
五路兵進勦鄭舉等方西破祿豐知縣蘇夢暘力戰
死聞諸路兵已大集舉與阿克遂奔東川官軍追及
之土司祿哲縛阿克鄭舉以獻而參政楊俊臣亦擊
敗海冲副使羅希益復擊斬楊禮于是武定及元謀
羅次嵩明祿豐等州縣皆復械阿克等至京師磔于
市乃悉質實祿豐元縣明屬雲南府
置流官之安寧州今屬雲南府

冬十一月朱賡卒

賡醇謹無大過與沈一貫同鄉相比暱給事中陳治
則姚文蔚等以故蒙詒病當一貫鯉去位時賡年七
十有二獨當國政時朝政日弛中外解體賡疏揭月
數十上十不獲一下賡因力請帝更新庶政於增闕

臣補大僚充言路三事語尤切帝優詔答之而不行
慶乃素服詣文華門懇請終不得命慶以老屢乞引
疾闔中空無人乃用于慎行李廷機葉向高而召王
錫爵于家以為首輔給事中王元朝胡忻以廷機之
用慶實主之疏詆廷機並侵慶慶疏辭帝為切責言
者既而言路攻訐四起先後疏論者至五十餘人是
時慶已寢疾乞休疏二十餘上言質實陳治則餘姚
者慮其復起攻不已至是卒于官質實人姚文蔚錢
塘人

十二月朵顏寇薊州京師戒嚴

朵顏察罕之子賚琿岱狡黠為邊患與其從父莽吉
勒潛入薊鎮夫掠河流口叅將馬棟等不能禦時援
師所過居民望見火光驚為敵至逃入京師者日數
萬九門盡閉兵部尚書李化龍請以三十萬金補薊

鑄缺鈎并修守備之具而度支告匱戶部請暫借內庫礦稅銀限以歲月補還帝難之命發太僕寺馬價十萬戶部銀十萬畀之軍情稍定敵以有備引去

賡琿岱舊作賴暈歹莽吉勒舊作莽金今並改

發明

朶顏入寇居民見援師而驚為敵至逃奔京師此時正宜撫輯曉諭以安衆心何至倉皇

失措尤門盡閉一若強敵之臨城下者則是時上下皆無定見而時事之失可知矣至度支告匱實由理財乏術而費用不經所致咎何足責乃戶部請借內庫礦稅銀而神宗猶復難之國家儲蓄本為軍國預籌乃以礦稅所入守為私財雖兵餉守備之急尚不肯支發應用則向來中使四出豈專為內府厚藏計乎且太僕馬價寧獨非天子之財而于彼于此自生岐視真有莫能為解者耳

己酉三十七年春正月永昌地震

自元日至十日
地震聲如雷

三月貢圖陷大勝堡

先是朶顏結鴻台吉謀犯喜峯口總兵官杜松受總督王象乾指潛搗嶽台吉帳以牽薊寇乃從寧遠中左所夜馳貢圖營掩殺百餘人以大捷聞兵備副使馬拯謂彼無故被勦必復仇事且叵測至是果以五千入攻大勝堡執守將耿尚文支解之殺掠幾盡復深入小凌河二十二里官軍禦之大敗時杜松駐大凌河不敢救遼人多咎松部議亦以譽由杜松令戴罪自効松恚甚言撫按諸臣附會馬拯害其奇功乃自提兵出塞將搗巢以取前恥而所得止五級士馬多陷沒松益慚盡焚鎧仗置兵事不問乃勒還籍

質實
大勝堡在錦州府錦縣北大凌河在錦縣東源出喀拉沁威蘇圖山下流至鮎魚塘入海杜松

字來清崑山人王象乾字子廓濟南新城人
鴻台吉舊作黃台吉貢圖舊作拱兒今並改

葉向高請發言官章疏不報

時言路互相詆訐帝心厭之章悉留中御史鄭繼芳
力攻給事中王元翰貪婪不法元翰亦疏詆繼芳左
右二人者復相角不已向高請盡下諸疏勅部院大
臣評曲直罪其論議顛倒者一二人以警其餘不報
諸臣既無所見曲直益樹黨相攻○繼芳劾元翰奸
賊數十萬而潛遣人圍守元翰家元翰憤甚乃盡出
篋篋昇置國門縱吏士簡括慟哭辭朝質實鄭繼芳
而去吏部坐元翰擅離職守謫其官

夏五月福建大水

建寧等府大水丁
口失者殆十萬

神宗怠政偷安
已漸成痿痺結
習至百司章疏
盡束之高閣度
置不觀遂致聲
口紛呶肆無忌
憚留中一節實
為秘政之尤葉
向高不力請隨
事批荅以期戒
曠廢而勵精勤
僅欲為言路評

其曲直已非正
本清源之見乃

並此不得行使

樹黨者益相持

不已甚且以飛

章一劾即遣人

固守其家迫之

使去目中全無

國憲朝廷亦若

罔聞知尚成何

世宙耶

六月甘肅地震

軍民壓死者八百四十餘人邊墩搖壞者八百
七十里東關地裂南山一帶頽壞河流絕數日

秋八月山西等省告災

山西宣府幾江西福建大水江南徐州以北及山東
濟南青州諸府蝗湖廣四川河南陝西旱貴州大烈
風白氣亘
天歲歉

九月左都御史詹沂封印自去

先是沂請告已數年大學士葉向高以為言不報至
是沂拜疏出城侯旨向高等言目前最多者無如都
察院刑部兩官都察院有考察之事刑部有審
錄之事且以審錄往例準之近已逾期矣不省

冬十二月留畿內山東諸省稅銀三之一振饑民

時各省皆報災傷重大至是詔戶部借馬價二十五萬并工部稅銀十五萬解給各鎮支用其北直山東河南山西陝西福建四川常年徵在官廳解內帑稅銀准留以二分解部充軍餉一分振飢民

庚戌 三十八年春二月山西天鼓鳴

山西陽曲縣天鼓鳴又有流星
大如斗墜落西北碎星不絕

閏三月旱

禮部以京師旱災言今日旱災皆政務廢弛所召蓋天下人情莫鬱于此時鬱氣浮發必結為災如儲宮天下本也不令與諸臣相接講明經術練習世務而久置之深宮使耳目總明俱塞天下之人心鬱乎不鬱

乎大僚為國家撐持楨幹闕其大半按差為朝廷察吏安民久請不下甚至刑部衙門懸印半載獄決無人控籲無路怨氣滿獄天下之人心鬱乎不鬱乎內帑山積而閭閻半菽不充父賣子夫鬻妻慘不忍聞而坐視其死亡天下之人心鬱乎不鬱乎逮繫之臣如滿朝薦卞孔時皆一時循吏為君上愛養百姓者以權璫羅織而使之累年淹禁見天無日天下之人心鬱乎不鬱乎廢棄諸賢久錮銓曹日補牘以請而黜用百不得一登進無期正氣塞結天下之人心鬱乎不鬱乎四海同一鬱積以故結成早魃誠慨發德音將以上諸政一旦舉行則質實建繫滿朝薦卞孔甘霖編字內矣疏入不報時朝薦知咸寧縣有廉能聲稅監梁永縱其下劫諸生索朝薦捕治之永怒劾其擅刑稅役詔錮一官會巡撫顧其志極論永貪殘狀乃復朝薦官無何永遣人蠱巡按御史余懋衡事覺朝薦捕獲其人永懼率眾探甲入縣庭吏

卒早為備無所掠而去城中數夜驚言永反或謂永宜自明永遂下教自白不反狀然蓄甲者數百而朝薦助懋衛操之急諸惡黨多亡去朝薦追之渭南頗有所格傷永懼使使擊書髮中入都訟朝薦叔上供物殺數人投屍河中帝大怒立遣逮治下詔獄擄掠遂長擊中外論救百十疏不聽孔時為武昌同知稅監陳奉誣劾被逮長繫廷臣救者數十疏皆不省至四十一年秋以葉向高言二人乃得釋

夏四月正陽門災

丁丑夜正陽門箭樓火至次日辰刻未熄給事中周曰庠上言正陽門樓與正殿相對坐子面午義取當陽正南面以臨天下者也自萬曆二十年來深居大內大小臣上莫能接見朝夕左右不過宣寺之流一念精明強毅之心日斂月消而人材邪正政事得失皆置之膜外昔年官殿災業已示譴迄今十餘年玩

燭如初所謂恭己正南面者杳無時日則何取于正陽之名為哉天故火之庶幾顧名思義耳願稍加振刷勤庶政信百官親百姓則實實周曰庠天下事尚可為也疏入不報臨川人

振畿內山東山西河南陝西福建四川饑

各省告災詔發銀十萬兩振濟仍發米三十萬石給振畿輔災民復留三十八年春夏稅銀給振四川福建

冬十一月壬寅朔日有食之

禮部右侍郎翁正春言前兩歲食四月朔正陽之月也今食十一月朔陽生之月也仲冬之月于律為黃鍾子卦為復乃羣陰已極一陽初生之候而有此虧蝕其災異尤甚君德象日宜昭臨宣布不宜闔汶閉藏自萬曆二十年後財貨日歛聚人才日剝落一切請補大僚考選起廢率皆不報六卿九列之地三五

李三才本一賂
遺結納之人矯
飾沽名其心豈
誠傾折東林者
特深窺一時清
流惡習因借蔬
素小廉交歡講
社以園內可把

質實

翁正春字兆
震侯官人

辛亥三十九年春二月巡撫鳳陽都御史李三才罷

三才在淮久以凌折稅監得民心山東稅監陳增兼
領徐州數窘辱長吏獨三才以氣凌之裁抑其爪牙
肆惡者常察令死囚引為黨輒捕殺之增為奪氣歛
人程守酬以貨官中書為增參隨縱橫自恣三才劾
治之得贓數十萬增懼為已累亦收獲守訓違禁珍
寶聞于朝論死遠近大快屢加至戶部尚書然頗通
賂遺結納遍海內輔臣缺建議者請參用外僚意在
三才由是忌者日衆工部郎中邵輔忠劾其貪偽險

朝局外堪標榜
士林耳若高碩
諸人用理學之
名倡盟壇玷甚
至輔臣臺諫莫
不竿牘公行况
如李三才久以
幹畧推重封疆
未始不欲藉其
聲勢資為舉援
此真當日彼此
托契之由非膚
論所能推見至
隱者卒之癸深
禍極焦爛為期
益緣士氣日乖

橫御史徐兆魁喬應甲給事中王紹徽等十餘人繼
之胡治曹于汴等交章論救朝端聚訟數月未已顧
憲成方講學東林三才與憲成深相結嘗請增大僚
選科道錄遺佚因言諸臣祇以議論意見一觸當途
遂永棄不收要之于陛下無忤今乃假天子威以鉤
諸臣復假忤主之名以文己過負國負君罪莫大乎
此意為憲成發也于是憲成貽書葉向高孫丕揚盛
稱三才廉直御史吳亮素善三才以憲成書附傳邨
報中由是議者益譁三才力請罷去疏至十五上不
得命遂自引歸帝亦不罪也三才才大而好用機權
善籠絡朝士其用財如流水嘗宴顧憲成止蔬三四
色厥明盛陳百味憲成訝而問之三才曰昨偶乏即
寥寥今偶有故羅列憲成以此不疑其綺靡故盛饗
之三才既家居忌者慮其復用御史劉光復劾其盜
皇木營建私第至二十二萬又侵奪官廠為園囿且
言三才與于王立選執相權意所欲用銓部輒為推

則人心日替而
國運亦日衰可
知勢會所趨即
諸黨人亦難自
主可勝歎哉

舉三才疏辨請遣中官按問給事中劉文炳御史李
徵儀等亦相繼論劾三才憤甚請諸臣會勘乃詔徵
儀偕繼事中吳亮嗣往未幾光復坐事下獄三才請
釋之而復力為東林辨白言東林者顧憲臣講學之
所從之遊者如高攀龍姜士昌錢一本劉元珍安希
范岳元聲薛敷教等並束身厲名行何負國家哉偶
曰東林便成陷阱如鄒元標趙南星等被以此名即
力阻其進所朝上而夕下者惟史繼偕諸人耳人才
邪正實國祚攸關疏入衆益恨之亮嗣等既往勘久
之無所得第如光復言還報遂落三才職為民方三
才之罷攻之者邵輔忠徐兆魁喬應甲等後皆附魏
忠賢名麗逆案而推轂三才若顧憲成鄒元標趙南
星輩皆表表為時名

質實

邵輔忠定海人喬應甲猗
氏人王紹徽咸寧人曹于

汴字自梁安邑人吳亮武進人中行子劉光復青陽
人于王立字中甫金壇人劉文炳寧晉人李徵儀廣

德州人吳亮嗣廣濟人姜士昌字仲文丹陽人安希范字小范無錫人史繼偕晉江人

三月大計京官祭酒湯賓尹等降黜有差

宣忠齊楚結黨
紛紜日以拌擊
異同為事甚至
京察巨典亦任
若輩競起把持
而言路一攻延
臣即聞而引去
自昔門戶之患
未有甚于是時
者總由神宗耽
習晏安章卷悉
置之不問遂使

時廷臣黨勢日盛賓尹與諭德顧天竣各收台明徒干預時政謂之宣崑黨以賓尹宣城人天竣崑山人也自帝倦勤內外章奏悉留中不發惟言路一攻則其人自去以故臺諫之勢積重不返有齊楚浙三黨齊則元詩教周永春韓浚張延登為之魁而燕人趙興邦輩附之楚則官應震吳亮嗣田生金為之魁而蜀人田一甲徐郅吉輩附之浙則姚宗文劉廷元為之魁而商周祚毛一鷺過庭訓等附之與賓尹天竣聲勢相倚並以攻東林排異已為事創大東小東之說目東宮為大東東林為小東一人稍異議輒羣起逐之大僚非其黨不得安于其位天下號為當關虎豹是年當大計京官惡東林者設詞以惑吏部尚書

黨勢益熾國脈
侵傷明祚之旋
即傾覆具故雖
非一端而人心
世俗之壞實膏
盲沈錮所由也

湯賓尹越房搜
卷拔取私人致
十七人尤而效
之彼此抵換毫
無忌憚科場之
弊已極王圖身
為主司甘心為
賓尹所用吳道
南職在知舉見

孫丕揚令發單咨是非將陰為鉤黨計侍郎王圖急
言于丕揚止之羣小大恨圖先典庚戌會試賓尹以
庶子為分校官舉人韓敬嘗受業賓尹及會試敬卷
為他考官所棄賓尹越房搜得之與各房互換闈卷
凡十八人彊圖錄敬為第一貢舉侍郎吳道南欲劾
之未果至是賓尹已為祭酒而圖方掌翰林院祭酒
京察例由掌院注考賓尹恐被察屬圖鄉人王紹崧
為之請圖峻拒之又御史金明時居官不職慮見斥
會有為浙江巡按鄭繼芳偽書抵紹崧者書有云欲
去福清先去富平欲去富平先去耀州兄弟又言秦
脈斬斷吾輩可以得志福清謂葉向高耀州兄弟謂
國與其兄國富平即丕揚也國時巡撫保定圖為侍
郎與丕揚俱秦人故曰秦脈蓋小人設為挑激語以
害繼芳輩而其言乃達之丕揚丕揚不為意明時廉
得之疑書出選授御史徐縉芳等乃先上疏力攻圖
并詆縉芳因及偽書事圖與縉芳皆疏辨朝端闕然

聞既確輒復自
寢彈章皆顯戮
之不容稍稽者
乃以門戶依違
罪名莫正僅籍
一時察典薄罰
去官厥後賓尹
居鄉肆橫強奪
士妻更恃熊廷
弼為之袒護雖
有荆養喬殺人
媚人之劾亦不
過調停了事朝
綱尚可問耶

及注考丕揚與侍郎蕭雲舉副都御史許宏綱領其
事考功郎王宗賢都給事中曹于汴御史湯兆京喬允
升佐之兆京謂明時倡言要挾逃察丕揚特疏劾之旨
下議罪而明時辨疏復犯帝諱字帝怒褫其職其黨
大詳謂明時未嘗要挾兆京祇以劾圖一疏為圖報
復于是主事秦聚奎力攻丕揚等結黨欺君丕揚因
發聚奎前為知縣時貪虐狀劾罷之而賓尹天梭御
史劉國縉及前給事中鍾北斗陳治則宋一韓姚文
蔚御史康丕揚徐大化主事鄭振先張嘉言等咸被
察又以年例出紹徽及其同官喬應甲于外時察疏
未下黨人咸謂丕揚果以偽書故斥紹徽國縉且二
人嘗攻李三才王元翰故為修隙議論洵洵禮部主
事丁元薦甫入朝即抗章盡發宣崑構謀狀于是黨
人姚宗文等爭擊元薦為金明時訟寃賴葉向高調
獲至五月察疏乃下由是諸失意者相繼攻丕揚及
圖至秋圖遂引去明年二月丕揚亦拜疏而歸○初

嘉隆以前士大夫庶恥自重以掛察典為終身之玷
及帝之世閭臣有所徇庇間留一二以撓部權而羣
臣水火之爭莫甚於是年及丁巳質實詩教策蕪人
黨局既成互相報復至國亡乃已質實周永春金鄉人
韓浚淄川人張延登鄒平人趙興邦高邑人官應震
黃岡人田生金麻城人田一甲忠州人徐紹吉保寧
衛人姚宗文慈谿人劉廷元平湖人商周祚會稽人
毛一鷺遂安人過廷訓平湖人王圖字則之耀州人
韓敬字求仲歸安人吳道南字會甫崇仁人金明時
德清人徐縉芳晉江人蕭雲舉廣西宣化人許宏綱
東陽人王宗賢清源人湯兆京字伯閑宜興人秦聚
奎漢陽人鄭振先武進人張嘉言湘潭人丁元薦字
長孺長
興人

天鼓鳴

又流星見大如
碗赤色照地

夏四月京師旱

六月大水

先是五月廣東廣西大水至是南北兩畿及湖
廣皆大水諸大吏請罷權稅以甦民命不省

秋八月河南巡按曾用升以災請蠲振不報

河南游饑開封歸德汝寧等府自春夏霖雨連旬平
地水深丈尺飛蝗蔽野用升奏言中州錢糧自三十
年迄今逋負三十九萬有奇請罷免之
并請留秋冬稅銀以振災重州縣不報

冬十月戶部尚書趙世卿上疏去位

世卿饒心計在戶部酌劑贏縮軍國賴焉福王成婚及公主下嫁凡額外宣索世卿俱力爭楚王與宗人相訐世卿嘗官楚府長史言王非偽與沈一貫合遂為廷臣所惡論劾相繼世卿上疏乞罷出城候命踰年不報乃乘柴車去

發明

楚宗事至是幾十年矣而廷臣猶以世卿右王之故相繼論劾借端攻擊報復相尋朝事

已不可問至世卿乞罷或聽或留不過一言而決乃遲之諭年竟付不報而世卿亦遂不待朝命悌然而去卒亦不聞以擅去為罪前此左都御史詹忻封印自去未幾吏部尚書孫丕揚亦拜疏自去而閣臣李廷機亦以上疏不得命竟歸一時大臣之去留朝廷若罔聞知者醫書以手足痿痺為不仁大臣國之股肱而一至于

是其為痿痺不已甚哉

壬子四十年春正月天鼓鳴

時宣府懷來延慶皆地震又有星如盞起左攝提光燭地

三月振京師流民

順天府以饑民流移皆集京師請給米煮粥振濟從之

夏五月甲午朔日有食之

是月太白晝見又雲南大理等府連次地大震

秋八月以刑部尚書趙煥兼吏部尚書

時帝怠荒益甚二十餘年未嘗一接見大臣曹署多空內閣止葉向高杜門已久六卿惟煥一人又兼署

兵部至是改署吏部兵部尚書李化龍卒召王象乾
未至亦不除侍郎戶禮工三部止各一人都察院自
溫純罷去八年無正官六科止數人十三道皆以一
人領數職在外巡按十餘年不得代督撫監司亦屢
闕不補郡守缺什之五六文武大選急選言及四方
教職積數千人以吏兵二科缺掌印不給牒久滯都
下時攀執政與哀訢煥累疏乞除補始除侍郎數又
既而考察命下補科道六十餘人時稱盛事云○煥
素有清望于朝臣無所左右推不善東林諸
人及附東林者咸起攻之至明年秋罷歸
字文光
掖縣人

河決徐州


時黃河水決衝徐州縷隄長二百六十丈并遙隄諸
口正河悉為平陸邳睢河水陡耗總河都御史劉士

忠批引河水復故
道至明年塞之

九月李廷機罷

廷機性廉潔然頗刻深不諳大體其在禮部楚宗人
華越以奏訐楚王既擬奪爵錮高牆廷機援祖訓謀
親王例議置之死言路勢張政府暨銓曹畏之不敢
出諸外年例幾廢主事聶雲翰論之廷機希言路意
中雲翰察典初入閣廷臣爭論之廷機累疏乞休杜
門不出待命踰年乃屏居荒廟人跡都絕言者猶攻
之不已至是疏已百二十餘上不得命竟歸廷機繫
閣籍六年秉政止九月無大過言路以其與申時行
沈一貫密相比故章章逐之輔臣以齟
齬受辱屏棄積年而後去前此未有也

御定資治通鑑綱目三編卷二十九



總校官舉人臣章維桓

校對官員外臣張慎和

膳錄監生臣賈秉義

欽定四庫全書叢要

史部

御定資治通鑑綱目三編卷

三十二

詳校官編修臣汪鏞




欽定四庫全書薈要卷七千四百四十二

史部

御定資治通鑑綱目三編卷三十

起癸丑明神宗萬曆四十一年
凡五年
盡丁巳明神宗萬曆四十五年

十一年春正月諭朝鮮練兵防倭

朝鮮奏言倭使頻來要挾和款兵端漸露乞選將率兵督同本國訓練修防帝以前留將士教習成法具在毋庸再遣命其使齎勅戒勵及是海上有倭警巡按張五典議用南兵教朝鮮水兵北兵教朝鮮陸兵兵部尚書王象乾謂出水陸兵寄食彼中餽餉不繼惟以中國之事責中國以屬國之事責朝鮮所以為屬國謀者如是止耳因申諭朝鮮招募訓練防倭簡除戎器整備兵船務求實用以壯聲援是年秋流

言倭圍金山朝鮮畏服總兵官楊宗質實李瑄舊為業以聞國王李瑄具疏辨詔慰解之質實朝鮮光海君其國王王昫于神宗三十六年卒瑄自稱署國事遣陪臣來訃且請謚帝令其國臣民公議以聞十月封瑄為國王三十七年三月謚昫曰昭敬遣官賜瑄及妃柳氏誥命張五典沁水人

天鼓鳴

是月庚子真定天鼓鳴流星晝隕有光

三月加淮揚田賦

江上駐兵防倭需餉急以鳳陽巡撫陳薦言加派銀十四萬六千兩有奇俟地方無事從實題裁時巡按直隸御史顏思忠言淮揚東隣日本如廖角嘴為倭奴首犯登岸之地犯嘴之南則通海等州受敵犯嘴

之北則廟灣等處直擣誠蘓松之肩背淮揚之門戶
國初於此嘴設廖角大河二塞撥官兵統領駐防後
移駐呂場大河營尚有官軍廖角塞則全虛矣今當
于淮安大營調兵六百名分守廖角嘴等營仍委千
百戶三員統領以復國初之舊從之是時倭寇連延
閩浙出沒無常福建巡按丁繼嗣疏陳防海七事一
擇用水將必曾歷海上或長海濱人地相宜者就近
遷轉以專責成一督造戰船冬春兩汛前各輪流備
造應用一調守要區松山為自浙入福門戶宜挑選
精兵汛守此山賊必不能飛渡一移防險塞三江口
係閩中要地而劉澳去三江不遠一扼此要則三江
之捍衛益嚴興化之門庭永固一改設客兵海澄界
在漳泉往來通番之地往往有島夷巨寇竊發舊設
團練皆係土著而豪右因有掛名糜餉者宜改土易
浙浙餉故厚宜以浙之餉例給之寧減兵勿增餉餉
不議加而兵有實用一團造器藥物料須精宜專委

都司一員逐項簡察府道不時親勘一建復土堡泉州安溪等處居民自築土堡無事可以儲蓄有警可以捍蔽宜諭令多置彼此相質實廖角嘴在揚州府北淮安府南嘴形突入海中三江口在莆田縣東與崎頭鎮澳港相接劉渙在莆田縣東南海澄嘉靖四十四年割龍溪及漳浦縣也置縣屬漳州府今因之安溪宋縣元明及今因之

夏五月誠廷臣毋植黨妄言

三十九年以京察故吏部尚書孫丕揚侍郎王國光後引去四十年閏臣李廷機被言路攻詰歸近左都御史孫瑄亦以勤熊廷弼事引疾求退因諭吏部都察院年來議論混淆朝廷優容不問遂並妄言排陷致大臣疑畏皆欲求去甚傷國體自今仍有結黨亂政顛倒是非誣詆要譽者罪不宥

發明

聽德惟聰日月之明容光必照以是臨下則姦邪盡感黨援攻訐之私自無所施其伎倆

神宗內鮮知人之明外無聽言之察致臺諫慢無忌憚以私意交章妄劾而為大臣者又欲藉被劾以引退鳴高幾若予奪褒譏朝廷莫能操其進退時當齊楚浙三黨橫譏之時阿比傾軋顛倒是非已成不可救藥之象而徒以空口申誠欲挽狂瀾于既倒之餘雖日諭部院諸臣又安所懲創耶

六月詔布色圖襲封順義王

三十五年順義王齊里克死孫布色圖應嗣求婚于忠順夫人忠順拒之其所部薩囊台吉烏魯木台吉額森台吉等各不相下封號未定至是布色圖始婚于忠順東西諸部長皆具狀為請封忠順夫人旋卒詔封布色圖為順義王然勢益衰不復能制諸部薩囊烏魯木額森諸台吉其力皆與順義埒朝廷因宣

大總督涂宗濬
言各陞賞如例
質實

涂宗濬南昌人
薩囊舊作素
囊烏魯木舊作五路額森舊作

兀慎令
俱改

復開廣東珠池

初廣東珠池自帝三十二年停採至是金吾右衛指揮倪英上言請開從之刑科給事中郭尚賓論開採之害不報

秋七月兵部尚書掌都察院事孫瑋罷

都御史自溫純去後八年不置代至四十年十二月外計期迫始命瑋以兵部尚書掌左都御史事瑋素負時望方欲振風紀而是時朋黨勢成言路大橫會進士鄒之麟分校順天鄉試所取童學頗有私御史

孫居相給事中孫振基并發湯賓尹為會試分校時
越房取其私人韓敬事旨下部院議顧不及賓尹事
振基疏請並議未得命禮部侍郎翁正春議黜學顏
謫之麟亦不及賓尹等振基謂議者庇之上疏論劾
帝再下廷臣議正春乃坐敬不謹落職于是黨人忤
詩教等交章論列并劾正春紛呶不已而南畿巡按
御史荆養喬與提學御史熊廷弼復以賓尹鄉人事
相訐廷弼以賓尹故杖殺諸生萬永縉養喬劾廷弼
殺人媚人瑋議養喬錫秩廷弼解職聽勘廷弼黨官
應震吳亮嗣遂連章攻瑋而振基及諸給事御史劾
應震等植黨背公南北臺諫各有左右帝竟如瑋言
令廷弼解職吏部尚書趙煥以年例出振基及御史
王時熙魏雲中于外不闕都察院瑋質實孫瑋字純
以失職求去疏十餘上及是始予歸玉渭南人
郝之麟武進人孫振基字肖岡潼關衛人荆養喬臨
晉人賓尹鄉人事賓尹家居嘗謀奪生員施天德妻

為妾許訟氏投池死諸生馮應祥萬永縉等告于官
為建祠以愧賓尹後永縉又發諸生梅振祚宣祚朋
姦事廷弼素交歡賓尹荆牒云此施湯故智會有司
報永縉及應祥行劣廷弼杖之永縉尋斃養喬夙與
廷弼牴牾遂劾廷弼疏上徑自引歸廷弼
亦上疏辨王時熙南昌人魏雲中武鄉人

宣府大雨雹

殺禾稼

天鼓鳴

是月寧夏鎮十一月
山西定襄縣皆鳴

質實

定襄唐縣屬忻州宋熙寧
五年省入秀容元祐初復

置仍屬忻州金
元明及今因之

大水

六月通惠河決七月兩畿江西河南八月山東湖廣
廣西九月遼東俱大水折徵南直隸兌軍米及屯糧
蠲長松等處積逋停徵黃梅長沙湘
陰善化等縣兵工部逋兌并議振貸
質實
長沙隋縣
屬長沙府
唐以後及今俱因之善化宋縣明屬長沙
府湘陰五代宋縣明屬長沙府今俱因之

九月以方從哲吳道南為禮部尚書兼東閣大學士預
機務

自朱賡卒李廷機罷葉向高遂獨相嘗卧病即家擬
旨請增置閣臣章百餘上至是始有是命從哲初以
國子祭酒請告家居久不出中旨起為吏部左侍郎
及是與道南並命道南方在籍居憂服闋即家拜命

三辭不允踰年始至故事廷臣受官先面謝始蒞任
帝久不視朝道南至不獲見不敢入直從哲為言帝
令先蒞質實方從哲字忠涵其先德清人隸籍錦衣
任視事衛向高初請起為禮部右侍郎不報及
中旨起吏部侍郎時為給事中
中李成名所劾求罷不允

吏部尚書趙煥罷

是時中朝朋黨已成議論角立煥素有清望顧雅不
善東林惟同鄉元詩教言是聽諸黨人攻東林者乘
間入之凡所舉措多弗協清議先後為御史李若星
給事中孫振基所劾遂乞歸優詔慰留已而兵部主
事卜履吉為尚書孫瑋所論煥以履吉罪輕擬奪俸
給事中趙興邦劾煥徇私煥疏辨再乞罷葉向高言
今國事艱難人才日寡在野者既賜環無期在朝者
復晨星無幾乃大小臣工日尋水火甚非國家福也

臣願自今以後共捐成心憂國事議論聽之言官主
張聽之當事使大臣得展布而毋苦言官之掣肘言
官得發舒而毋患當事之摧殘天下事尚可為也因
請諭煥起視事煥乃出既而御史湯兆京以振基出
外不移咨都察院守故事力爭不得投劾徑歸其同
官李邦華周起元孫居相及戶部郎中賀琅交章劾
煥擅權請還振基帝奪諸臣俸貶琅官以慰煥煥請
去益力遂叩首闕門出城待命帝猶諭留給事中李
成名復劾煥伐異黨同煥遂稱
質實李若星字紫垣
疾堅不起踰月乃許乘傳歸
息縣人由縣令
擢御史視庫下履吉吳江人江寧籍李邦華字孟閻
吉水人周起元字仲先海澄人賀琅丹陽人李成名
太原前衛人黃克
續字紹夫晉江人

十二月以宋儒羅從彥李侗從祀孔廟

甲寅四十二年春正月總兵官劉綎討建昌叛蠻平之

先是四十年四川建昌猺亂命綎為總兵官討之借參政王之機分八道督攻而已居中節制次第克桐槽沈渣阿都厦卜越北諸砦大小五十六戰斬馘三千三百有奇俘九百七十五名口牛馬羊二千八百四十有奇甲仗無算諸猺

質實

建昌猺建昌本邛都地漢武帝置越嵩郡

巢穴一空及是以捷聞

隋唐皆為嵩州至德初沒於土蕃貞元中收復懿宗時為蒙詔所據改建昌府以烏白二蠻實之元至元間置建昌路又立囉囉斯宣慰司以統之洪武五年囉囉斯宣慰安定來朝而建昌尚未歸附十四年乃降十五年置建昌衛所轄四驛曰祿馬阿用白水瀘波各百里有差其屬有源山拖郎桐槽熱水沈渣阿都厦卜越北諸砦囉囉即猺譯音之異也

二月以鄭繼之為吏部尚書

趙煥罷以繼之有清望召使代煥繼之楚人年八十餘一聽楚黨意指定制科道外轉必會都察院吏科協議繼之尋趙煥轍前後倚任文選郎王大智胡來朝院科皆不令與聞御史孫居相張五典周起元等引故事為言給事中李瑾尤先後抗章力爭來朝不能難乃嗾其黨羣起攻之各三疏往復來朝詞屈因言舊例協議實秉國者調停之見非可質實鄭繼之為制乞改前令從事帝亦無所處分

質實鄭繼之字孝伯

襄陽人王大智王田人胡來朝贊皇人

慈聖皇太后李氏崩

太后性嚴明帝蒞政初委任張居正綜覈名實太后保護之力居多光宗未立時給事中姜應麟疏請建

儲被謫太后聞之弗善也一日帝入侍太后問故帝曰彼都人子也太后怒曰爾亦都人子帝惶恐伏地不敢起蓋內廷呼宮人為都人太后亦由宮人進故云光宗由是得立福王之藩期屢易鄭貴妃欲遲之明年以祝太后誕辰為辭太后曰吾潞王亦可來上壽乎貴妃不敢留期始定御史曹學程以建言論死太后憐其母老言於帝釋之太后父偉封武清伯家人常有過命中使出數之而抵其家人於法素好佛京師內外多建梵剎動費鉅萬質實曹學程字希明帝亦助施無算及是崩謚孝定質實全州人督畿輔屯田時上疏言朝鮮不可封狀并劾兵部尚書石星封使楊方亨表裏應和不足倚信帝謂其暗囑闕節逮下錦衣衛榜掠無所得移刑部坐逆臣失節罪論死其母年九十餘哭子待斃羣臣論赦不聽子正儒刺血書奏乞代父死亦不省太后言于帝適朱廢亦請宥乃改謫李偉字世奇涇縣人神宗立封武清伯

再進武清侯偉有過太后嘗召入宮切責不以父故
亂祖宗法以是偉益小心畏慎有賢聲卒贈安國公
諡莊簡

振畿內饑

從戶部給事中
官應震請也

三月封原任兵部員外郎贈太常寺少卿楊繼盛墓

禮部言原任兵部員外郎贈太常寺少卿楊繼盛浩
氣凌霄丹心貫日前知遠識芟仇讐之奸於未然正
色危辭褫嚴嵩之炎於方熾風波九死惟矢忠義之心
熱血一腔長灑英雄之淚先皇帝嘉其忠貞錫之贈
謚建祠表里廕及後人蓋三旌之寵渥加已慰忠魂
於九地乃一坏之封猶缺未澤枯骨於重泉此感往

不無永懷而盛典尚宜請補也
乃准封其墓修石麟華表諸制
質實
楊繼盛墓在保
定府定興縣西
南八
里

福王常洵之國

裂地以王諸子
明祖弊政本不
足法至神宗溺
愛福王及出就
藩封營邸修踰
常制而且膏腴
鹽其傾國用以
斥治行裝適足
啟其驕奢貪恠
之漸迨後羣盜

初福王婚費三十萬營洛陽邸第至二十八萬十倍
常制又設官店以供福邸及府第成廷臣請王之藩
者數十百奏不報四十一年春復交章請葉向高孫
慎行爭尤力帝始以明春為期已復傳旨莊田非四
萬頃不可向高因言會典載親王祿米萬石養贍名
目已是添設豈可過多各直省田土之數惟大邸方
有四萬頃少者止一二萬頃自祖宗以來封國不以
使親王各割一大郡則天下土地已盡今日非但百
姓無田即朝廷亦無田矣况聖子神孫源源未已乎
列聖相傳遵守家法豈無愛子欲加厚以祖制不敢

生心卒以象齒
自焚不可謂非
貽謀之不善至
于之藩定期屢
易不過神宗愛
憐少子福王依
戀庭闈而廷臣
輒疑其逗遛意
在奪儲文章敦
侃已屬過當乃
奸人亦從而效
尤敢撫謬悠之
說以逞其簧鼓
甚且入皇城放
礮實為法所難
寬而刑臣不取

踰越必如是而後萬世可常行耳福王所陳不過引
景府潞府事例夫潞府就封時廢府田地尚多未嘗
括及民間令田地已盡而租銀之入已過潞府何更
求多乎至景府久不之國皇考在裕邸常懷危疑其
後皇祖斷然遣之人心始安景府屢請楚地幾至激
變當時皆譏皇祖過寵非以愛之亦前事之鑒也臣
愚謂祖制當遵吉典當舉王方建維城之固與國同
休不當以土田小事滋天下之口又言使福王莊田
必足四萬頃則之國無日王疏以祖制為言試思親
王四萬頃之莊田祖訓會典累朝功令有之乎臣不
知王所引祖制何指也自景府以前無出數千頃外
者惟景府以寵愛踰分致壞祖制王奈何尤而效之
乎況令河南山東撫按官搜括已盡恐有奸徒以投
獻為名者挾讐報怨中州齊楚間稍有土地者不安
其生天下從此多事矣帝報曰莊田自有成例今皇
太子與福王大分已定何猜向高又言皇考時名位

加誅閣臣請以
靜處姑息養奸
恬不為怪當時
法令之弛尚可
問乎

欽定四庫全書

卷三十

雖未正然講讀不輟情意自通令東宮輟講八年且不奉天顏者久而福王一日兩見以故不能無疑惟堅明春之國期無以莊田藉口庶天下疑自釋也會錦衣百戶王曰乾以私事與孔學趙宗舜趙聖等相告訐刑官獻未竟曰乾入皇城放礮上疏訐鄭貴妃內侍姜嚴山與孔學王三詔等用厭勝術誣皇太后皇太子欲擁立福王帝震怒向高請帝以靜處之曰乾疏不宜發而別諭法司治罪奸人罪速定福王之國期以息羣喙帝納其言尋貴妃請留福王慶太后壽節又諭改期向高封還手勅太后亦諭止之始令之國歷年稅使礦使所進珍羨悉以資之押運劉孝自虞城至洛陽到處挾索橫逞殺人撫臣梁祖齡按臣張至發以聞置不問莊田初諭給四萬頃羣臣屢請減帝諭以王意奏辭減半給二萬頃中州腴土不足以山東湖廣田益之王復乞故大學士張居正所沒產及江都至太平沿江荻州雜稅並四川鹽井權

茶銀以自益伴讀承奉等官假履畝為名乘傳出河
南北齊楚間所至騷動山東河南湖廣撫按臣各疏
言王府賜地應照會典之例令地方官每畝徵銀三
分王府遣人闕領不便自行勘丈管業并中使闇時
馮進忠張佃梁進等不法狀俱不報後湖廣田
復不足王又奏減一千頃實給田一萬九千頃質實
設官店福府承奉謝文銓言設官店于崇文門外以
供福邸戶部尚書趙世卿疏爭不聽沿江荻州雜稅
蘆洲按畝起科以大江南北之分作蘆洲肥瘠之辨
徵派有定例督理有專官神宗二十七年勘出丹徒
丹陽崇明武進江都通州如皋泰興諸處田灘二萬
六千七十畝令佃戶納價三萬七千五百七十兩又
每歲徵租銀四千五百四十餘兩上江如上元江寧
句容江浦六合青陽懷寧桐城宿松望江縣無為州
和州諸處經五年清丈比舊額多銀三千三百餘兩
歲共徵銀七千三百兩有奇每歲春夏間由內守備

收解南京戶部覈實奏聞四川鹽井轄鹽課十七洪武時歲辦鹽一千一十二萬七千餘斤弘治時辦二千一十七萬六千餘斤神宗時九百八十六萬一千餘斤鹽行四川之成都叙州順慶保寧夔州五府潼川嘉定廣安雅廣元五州縣歲解陝西鎮鹽課銀七萬一千餘兩四川權茶銀洪武四年戶部言四川巴茶三百十五頃茶二百三十八萬餘株定令每十株官取其一無主茶園令軍士薊採十取其一以易番馬諸產茶地設茶課司四川定稅額一百萬斤設茶課司自河雅諸州及碭門黎雅抵朶甘烏斯藏行茶之地五千餘里洪武未置武都重慶保寧播州茶倉四所令商人納粟中茶成化中茶百斤折銀五錢高課折色自此始丹徒漢縣丹陽唐縣明俱屬鎮江府今皆因之青陽唐縣明屬池州府懷寧晉縣明屬安慶府桐城唐縣明屬安慶府今皆因之張祖齡溫江人張至發涪州人

常洵開洛陽市

常洵請淮鹽千三百引設店洛陽與民市中使至淮揚支鹽乾沒要求輒數倍中州舊食河東鹽以改食淮揚故非王肆所出不得鬻河東引過不行邊餉由此絀葉向高言以藩國之尊下侵商賈之事于體甚褻況差官支取或滋夾帶之奸定價貿易終無兩平之理戶科給事中姚宗文言方今鹽法壅滯鹽課不登今王府公行貨賣則狐鼠羣奸必至公然夾帶兩淮正額引鹽必壅河東行鹽之地自有成法一旦阻絕則行鹽地少鹽地必虧河南境內民肆向有堆賣官鹽價值一定若王府售賣昂值專利勢必騰涌民何以堪大學士方從哲及諸廷臣亦先後請停文田開市二事俱不報

發明

藩封開市漁利滯商已為萬萬不可行之事乃神宗于常洵初就封時即曲徇其請實為

溺愛之私其於民瘼國是漠不關心於此亦可概見至鹽英為國家要務定地分引民食既有所仰需而商賈亦自便其售鬻中州之必食鹽於河東地使然也顧忽有設店洛陽之舉在淮揚既苦累於中使之乾沒要求必不能源源以濟坐使中州價涌而河東引遏邊餉之絀亦隨之所謂行一事而害且百端此也自是河南凋瘵日甚一日史稱神宗耗天下以肥王禍亂之萌豈一朝一夕之故哉

夏五月大雨雹

是月乙卯夜京師大雨雹是年浙江江西兩廣福建俱水

釋楚宗幽禁諸人

時皇太后遺命赦天下詔楚府宗室先因誣詆楚王毆殺巡撫已將情罪深重者正法其餘發高牆閑宅

者禁錮日久懲創亦深准與釋放仍聽楚王鈴束初
楚宗之獄廷臣互有左右歷數年不得白御史潘之
祥上疏請釋英焦蘊鈞等不報至是禮部侍郎孫慎
行言楚宗殺巡撫趙可懷不得為叛乃稱太后遺詔
釋質實神宗三十三年捕治楚宗人斬二人勒四人
自盡幽英焦等二十四人於高牆禁蘊鈞等
二十二
人
於閒宅

福建稅使高窠私通倭市

窠私置通倭雙柁海艘航貨數十萬入海貨直不以
予民間閭嗟怨激變窠怒麾兵殺人放火箭燬民房
突入巡撫署露刃脅制要盟有司官於私署巡撫袁
一驥巡按徐鑒以聞大學士葉向高劾從哲給事中
姚永濟郭上賓先後論劾帝置不問時陵璫杜茂林
殺留守陸萬垓兵科給事中吳亮嗣疏劾亦留中

質實

袁一驥江陰人徐鑒豐城人姚永濟上海人郭尚賓南海人

發明

私通倭市事關邊禁此猶彰明較著者乃高
寀竟自置雙舵海艘取其便於乘駛風濤漁
獵專利貨則剝掠自民直則飲肥於己其激而生
變也固在意中顧轉以此生怒殺人燬屋恣其荼
毒甚且刃制巡撫要盟有司罔上行私若此即在
明季紀綱不振之時亦所罕有所可異者中外相
繼論劾均置不問同時更有瑞監杖死留守言官
疏發其事亦復留中不報宜效尤肆惡者之終無
已時欲邊境之寧得乎

雷震軍臺燬

是月甲寅密雲楊窪軍臺為雷火震燬層樓礮轟發
火器火藥俱被焚擊死南兵一名庚午復震永平屬

石火墩軍臺雷從臺東門入擊死南兵一名傷北兵二名臺房及礮口火器盡燬

六月葬孝定皇后於昭陵

合葬昭陵別祀崇先殿

秋八月禮部侍郎孫慎行罷

慎行素講學東林為黨人所忌及在禮部遇事皆切諫韓敬科場事久不定慎行特擬黜敬黨人袒敬者追論湯賓尹越房取卷時各分考俱效之因欲十七人並罪藉以寬敬慎行集廷臣議卒坐敬闕節為十七人貽雪黨人益大恨會吏部缺侍郎廷議改右侍郎李誌於左而以慎行為右命俱未下御史過庭訓因言誌未履位何復推慎行示詩教和之慎行遂連疏引歸後丁巳京察以趣福王之國謂慎行邀功列

拾遺疏中帝知其無罪置不問

大學士葉向高罷

向高以宿望居相位每事執爭效忠如東宮講筵瑞王請婚福王之國補缺官罷礦稅再三陳請其言多格不用所疏言今天下必亂必危之道蓋有數端而災傷寇盜物怪人妖不與焉廟廊空虛一也上下否隔二也士大夫好勝喜爭三也多藏厚積必有悖出之釁四也風聲習氣日趨日下不可挽回五也非陛下奮然振作簡任老成布列朝畧取積年廢弛政事一舉新之恐宗社之憂不在敵國外患而在廟堂之上也帝不能用向高又言今天下災傷死亡畿輔中州齊魯流移載道中外空虛人才俱盡罪不在他人臣何可不去且陛下欲用臣則當行臣言今奏章不發大僚不補起廢不行留臣何益又言今陛下與羣

臣隔絕帷幄不得闕其忠六曹不得舉其職舉天下無一可信之人而自以為神明之妙用恐聖帝明王無此法也所言皆切中時弊帝俱不省嘗因卧疾閣中無人就其家擬旨向高自以為非體堅乞去位帝仍慰留命主癸丑會試向高以入闈不便票擬力辭卒不允亦不命他相至是乞休疏已六十餘上詞極哀始允

質實

礦稅礦務始於洪武末年採福建銀屏山銀場局浙江溫處麗水平陽等縣亦

有場局歲課皆二千餘兩後福建課額至四萬餘浙江亦至九萬餘英宗下詔封坑民賴蘇息而歲額未除宣宗朝特遣侍郎御史官為之督理景帝時始命中官戴細保提督稅務天順四年命中官羅永之浙羅珪之雲南馮讓之福建何能之四川課額浙闔大畧如舊雲南十萬有奇四川萬三千有奇成化中開湖廣金場武陵等十二縣凡二十一場歲役民夫五十萬死者無算所得金僅五十三兩於是復閉弘

治後開閉不常迨神宗朝姦民廢弁獻礦銅者日至
開採之端亦日殷于是中使四出昌平則王忠真保
薊永房山蔚州則王虎昌黎則田進河南之開封彰
德衛輝懷慶葉縣信陽則魯坤山東之濟南青州濟
寧沂州滕費蓬萊福山棲霞招遠文登則陳留山西
之太原平陽潞安則張忠南直之寧國池州則郝隆
劉明用湖廣之德安則陳奉浙江之杭嚴金衢孝豐
諸暨則曹金後代以劉忠陝西之西安則趙鑒趙欽
四川則邱乘雲遼東則高淮廣東則李敬廣西則沈
永壽江西則潘相福建則高窠雲南則楊榮皆給以
闕防并皆原奏官往礦脈細微無所得勒民償之而
姦人假開採之名橫索民財陵轅州縣有司恤民者
罪以阻撓逮奉罷黜時中官多橫暴富家巨族則誣
以盜礦良田美宅則指以為下有礦脈率役圍捕辱
及婦女甚至斲人手足投之江其酷虐如此廷臣屢
請罷向高言之尤力武陵唐縣明屬常德府今因之

房山元縣明屬涿州今屬順天府西路同知信陽元
置州屬汝寧府明降縣後復為州今因之蓬萊唐縣
明洪武初省八登州九年復置縣今因之並屬登州
府福山金天會二年劉豫析蓬萊縣地置縣屬登州
明屬登州府招遠金天會二年劉豫析掖縣地置縣
屬萊州明屬登州府今俱因之孝豐明成化二十三
年析吉安縣地置縣後
屬安吉州今屬湖州府

九月地震

是月庚午山西
河南同日俱震

乙卯四十年春正月徐州決河工成

先是四十年九月河決徐州三山衝縷堤二百八十
丈遙堤百七十餘丈黎林舖以下二十里正河悉為

平陸邛睢河水耗竭總河都御史劉士忠開韓家壩外小渠引水壩以東得通舟楫及是工始成質

實

三山在銅山縣東南十餘里有三峰故名山腰

縣東南韓家壩在銅山縣北茶城下劉士忠華州人

三月丁未朔日有食之

星隕聲如雷

是月戊申星隕於清豐之東流村質實清豐唐縣明有聲如雷壬子天津衛地震有聲因之天津衛明永樂初置屬河間府今為天津府屬大名府今

夏四月雨豆

是月戊寅石首縣雨豆
大小不一色雜如黑

五月畿內山東旱

京師自三月至六月皆
不雨七月山東復蝗

贍貧宗

山西巡撫吳士度言國家建藩頒爵自親王郡王至
將軍中尉俱有定祿年來宗支繁衍間有無祿極貧
或以擅婚私濫妾之子不敢請名者或以幼而無父
不能請名者或已請名而家貧不能封者與孀婦身
無所依者每名月給米一石折銀一
質實 親王郡王
錢於各府正項糧銀內支給從之 將軍中尉

明制皇子封親王歲祿萬石親王嫡長子年及十歲
立為王世子長孫立為世孫冠服視一品諸子年十

歲封為郡王嫡長子為郡王世子嫡長孫則授長孫冠服視二品諸子授鎮國將軍孫輔國將軍曾孫奉國將軍四世孫鎮國中尉五世孫輔國中尉六世以下皆奉國中尉其生也請名其長也請婚祿之終身喪葬子費

男子張差持挺入慈慶宮

太子居慈慶宮有不知姓名男子持棗木挺入宮門擊傷守門內侍李鑑至殿前檐下被執皇太子奏聞帝命法司案問巡視皇城御史劉廷元鞠奏犯民張差薊州井兒峪人按其跡若涉風癲稽其貌實係黥猾請下法司嚴訊時東宮雖久定帝待之薄中外方疑鄭貴妃與弟國泰謀危太子及差被執舉朝驚駭廷臣既以風癲奏刑部郎中胡士相等復訊一如廷元指言差收積薪草為人所燒氣憤赴朝聲寃行至

門自有應生之
律風顛與否本
無事深求自盈
廷議紛紛吹釀
成疑案總由當
時翊聖擅寵好
名者輒欲以安
儲自任遂爾過
事生風不知鄭
妃果意存奪嫡
則宮掖陰謀豈
能防測何必令
狂狹持杖公肆
逆圖况太子深
處慈慶又豈一
擊之所能傷顧

東華門過一人謂持挺入可當究狀遂誤入東宮按
律當斬加等立決奏定未上會提牢主事王之案私
詰差言由內侍引蕙得口詞甚悉之案備揭其語因
侍郎張問達以聞且言差不能不狂有心有膽乞傳
凶犯勅九卿科道三法司會問疏入未下廷臣連章
趣之而郎中陸大受疏有奸戚字帝惡之與之案疏
俱不報御史過庭訓言禍生肘腋宜即剪除大學士
方從哲吳道南斥之案言謬請帝從容詳審於是庭
訓遂移文薊州蹤跡之知州戚廷齡具言其致癲始
末與原勘畧相符遂以風癲為定案越數日問達以
員外郎陸夢龍言令十三司會鞠衆咸囁嚅夢龍獨
詳訊之謂係內監龐保劉成主使刑部乃行薊州道
提差所供馬三道等疏請法司提龐保劉成對質保
成皆貴妃內侍中外籍籍語侵國泰國泰懼出揚自
白給事中何士晉直攻國質實慈慶宮在東華門內
泰且侵貴妃疏入帝大怒質實端敬殿之東後為端

蓄意三年僅成
孟浪之舉雖至
愚不應出此下
策其事固情理
所必無乃舉國
若狂妄生荆棘
必待至尊臨軒
剖晰東宮委曲
求全君臣父子
之間至以文偽
調停尚復成何
事體雖由諸臣
之好事生非亦
可見建儲之無
益有損其流弊
固無所不至耳

本宮皇太子原居大內鍾粹宮在坤寧宮之左既長
移居於此胡士相平湖人王之案字心一朝邑人詰
差口詞之案詰差初不承已云不敢說之案麾左右
出留二吏扶問之始言小名張五兒有馬三舅李外
父令隨不姓名一老公說事成與汝地幾畝知比至
京入不知街道大宅子一老公飯我云汝先衝一遭
遇人輒打死乃畀我棗木棍蕙我由厚載門到宮擊
門者墮地老公多遂被執老公內侍通稱也陸大受
字凝遠武進人戚延齡言致癩始末貴妃還瑞建佛
寺瑞置陶造甃居民多鬻薪獲利者差賣田負薪往
市於瑞土人忌之焚其薪差訟於瑞被責差產破薪
焚不勝憤故持挺入都叩閣陸夢龍字君啟會稽人
夢龍訊差夢龍見差長身駢脅晚視傲語絕無風癲
狀因呼紙筆命畫所從入路須臾圖成具供馬三舅
名三道李外父名守才不知姓名老公乃修鐵瓦殿
之麗保不知街道宅子乃住朝外大宅之劉成且言

二人與我金銀壺各一巵我已三年令我打上宮門打得小爺喫有著有小爺者內監所稱皇太子也又言有姊夫孔道同謀凡五人何士晉字武義宜興人士晉疏言國泰若欲釋人疑惟明告貴妃力求陛下速令保成下吏考訊如果國泰主謀是大逆罪人非但貴妃不能庇即皇上亦不能庇設與國泰無干請令國泰自任凡皇太子皇長孫一切起居悉屬國泰保護稍或疎虞罪即坐之則臣與廷臣亦願陛下保全國泰無替恩禮若國泰畏有連引預熒惑聖聰久稽廷訊或潛散黨與使之遠遁或陰斃張差以冀滅口則國泰罪不容誅矣

嚴皇城門禁

御史劉廷元請禁內市以消隱禍御史牟志夔請飭皇城以內四門內臣出入必稽啟閉以時毋撓巡視

之權因諭門禁本宜嚴密令該部及巡城科道官通飭嚴加盤詰仍著嚴衛巡捕衙門及守門官員密切體訪擒拏奸宄至內地每月三市相沿年久以濟需用事不可缺但不許持挾銅鐵鋒利弓矢等物入市違者必懲質實皇城內四門午門東華門西華門元武門馬監以至西海子一帶皆是每月初四十四二十四日俱設場貿易此三日舊例令禁內賤役輦穢出宮棄之故各門俱啟閉因之陳列罷械借以博易焉年志夔南溪人

召見大學士方從哲等於慈寧宮下御史劉光復獄

初奸人王曰乾上變言巫蠱事辭連劉成至是復涉成帝心動諭貴妃善為計貴妃窘乞哀皇太子自明無他帝令太子白之廷臣太子亦以事連貴妃大懼請帝速具獄毋株連帝乃於慈寧宮召大學士方從

哲吳道南及文武諸臣入見因執太子手謂諸臣曰
此兒極孝朕極愛使朕有別意何不早更置外臣何
意輒以浮言間朕父子耶因命內侍引三皇孫至石
級上令諸臣熟視曰朕諸孫俱已長成更何說顧問
太子有何語與諸臣言臣悉言無隱太子具言瘋癲之人
宜速決并責諸臣言我父子何等親愛而外廷議論
紛如爾等為無君之臣使我為不孝之子帝復謂諸
臣曰爾等聽皇太子語否申諭再三諸臣始叩首出
初從哲等進見時御史劉光復跪班後大言曰皇上
極慈愛太子甚仁孝帝不甚悉問為誰中使以御史
劉光復對光復又前跪大言申奏帝謂地近皇太后
几筵大言非敬且越班進對失人臣禮令中使縛之
下刑部重擬罪方從哲及廷臣力救不允宗人中尉
充劄駙馬王昺疏救光復以詞激充劄幽禁昺禡冠
帶閒住帝不見廷臣已二十五年矣御史翟鳳翀因
言陛下召對廷臣天日開霽千載一時輔臣宜舉朝

端大政乘便縷陳乃一切緘默不言徒致光復以失儀獲罪光復一日不釋恐輔臣一日未安也帝降旨切責尋以鳳翽疏論質實劉光復青陽人翺鳳翽字中官呂貴等謫外

質實

凌元益都人疏論中官呂

貴等鳳翽以中使呂貴假奸民奏留督浙江織造冉登提督九門誣奏市民毆門卒邢洪辱御史凌漢翽於朝帝釋洪不問漢翽為凌應登所毆洪復曲庇應登鳳翽疏論貴登洪三人罪且曰大臣造膝無從小臣叩關無路宦寺寢用政令多違實開羣小假借之端將成太阿倒持之勢帝大怒謫山西按察使經歷是時郭尚賓亦以直諫忤旨被謫江西布政使檢校時稱二諫

張差伏誅

帝諭三法司張差以瘋癲姦徒闖入東宮持挺傷人罪在不赦因命決差於市內官龐保劉成嚴提審明

擬罪馬三道等應屬誣攀斟酌擬議此外不許波及無辜尋命司禮監隨同九卿三法司於文華門會勘龐保劉成榜掠死馬三道等擬流時帝意在調護貴妃太子會事似有迹故於諸言者亦不遽罪也未幾何士晉調外王之案削籍陸大受奪官而陸夢龍獨免光復尋亦見釋

六月免浙墅蕪湖關稅三分之一

先是李太后遺詔免近京畸零雜稅因允臺臣所請罷蘆溝稅應天巡撫王應麟言兩京並重而陪京尤為根本乞罷兩關額稅故有是命

勅修省

以京師三月至六月久旱故也

秋七月振畿內饑

畿輔久旱通州三河等處饑民乏食劫掠者衆薊鎮總督薛三才以蠲振請命發通州倉米七萬石振濟臨清德州倉米十萬石平糶并發本屬備荒穀及收買隣近豐收地方稌糧以資之九月以順天府尹李長庚言京師五城分廠煮粥平糶十一月巡按直隸御史過庭訓請通州三河縣全徵折色寶坻密雲二縣准折十分之三平谷縣折十分之五停順天府屬驛傳待支車輛等銀各屬應納邊鎮米豆等銀永平等衛逋欠質實平谷元縣明屬薊州今屬順天府李長庚字酉卿麻城人也

閏八月重建三殿

時工部奏修乾清宮廡屋帝以三殿久未鼎建詎吉宜於本年命定期啟工俟明歲皇太后升祔陵廟禮

成後從
容構造

振山東湖廣饑

時山東自三月至六月久旱盜起貧民乏食巡撫錢士完請發帑振濟帝命以布政使庫貯解部稅銀六萬六千兩有奇本年臨清應解稅銀四萬兩留東備振又以臨清德州倉米六萬石振濟四萬石平糶湖廣水旱頻仍巡撫梁見孟奏請災重者漕糧并折稍輕者折一徵二其無漕南二糧處所酌量加振從之

質實 山東盜蒙陰盜暨旗稱王殺官兵沂州盜七百餘乘馬彎弓搶劫糧畜昌樂縣盜三百餘嘯聚焚劫費縣濟陽亦多白晝搶劫者蒙縣元縣明因之屬莒州今屬沂州府昌樂宋縣元省入北海明初復置屬青州府今因之錢士完歸安人梁見孟安肅人保定右衛籍

河套諸部犯延綏官軍禦之敗績

前年套寇犯保寧總兵官官秉忠叅將杜文煥敗之
 一月再捷嗣後蒙克錫里等以挾賞不遂數沿邊寇
 掠秉忠隨所向以勁旅遮擊屢破之寇遂遁去巴什
 圖子濟農者士馬雄諸部為套中之主及是見巴什
 圖襲順義王於是挾求封王且請市賞邊臣不許會
 他部塔類以痘瘡死妄言為邊吏所害而沙津盜邊
 又被搶去遂合套中諸部大舉入寇東道高家大柏
 油神木柏林中道波羅西道磚井寧塞諸城堡盡被
 蹂躪副將孫洪謨禦之大柏油遇伏被執士卒死傷
 過半秉忠聞寇入急遣游擊張榜潛刼其營又敗死
 四百餘人會故帥杜松寧夏總兵杜文煥援軍至共
 擊之寇始退然猶駐塞下時欽掠秉忠被劾罷方候
 代沙津從雙山入犯秉忠設伏質實高家在葭州北
 待之遂大敗去斬首二百有奇質實大柏油在神木

縣西柏林在神木縣西南波羅在榆林府懷遠縣東北磚井在延安府定邊縣東寧塞在延安府靖邊縣西雙山在榆林縣東南杜文煥字毅武松之姪蒙克錫里舊作猛克什里沙津舊作沙計塔類舊作鐵雷今並改

冬十月京師地震

是年二月揚州地震狼山寺殿壞塔傾江神廟碑崩裂乙亥楚雄地震聲如雷人民驚殞十月京師地震二次密雲縣湖河川質實狼山寺在通州南十八里等處同時震有聲五山連屬山有廣教寺舊名慈航院唐天寶間改名江神廟在狼山上今名江海神祠楚雄明洪武中以威楚縣地改置楚雄縣屬楚雄府今因之

丙辰 四十四年春正月我

太祖高皇帝建元天命元年

我

太祖高皇帝自誅尼堪外蘭之後國日隆盛辛卯年葉赫等九部來侵大破之己亥年哈達貝勒孟格布祿為葉赫所誘將害我助防哈達之兵征克其城獲之以歸丁未年輝發貝勒拜音達里亦貳於葉赫數背盟約率兵滅之撫定其國烏喇貝勒布占泰嘗戰敗被俘釋遣歸國中以姻好布占泰復謀背叛屢討不悛癸丑年大舉伐之布占泰勢窮奔葉赫其國遂滅

太祖既削平諸國德威遐播又製國書定旗制規模宏遠帝業已成於是諸貝勒大臣等咸奉表勸進以正月壬

申朔尊

太祖為覆育列國英明皇帝以是年為天命元年

質實

國書
巴克

什額爾德尼噶蓋初以蒙古字合國語聯綴成句創立滿洲文頒行傳布旗制初削平諸國設有四旗旗純色為別曰黃曰紅曰藍曰白尋添設四旗參用其色鑲之共為八旗分左右翼

發明

臣等謹按史家紀元系統必據實以徵文我

國家龍興東土受命發祥當故明神宗時奄有蒙古喀爾喀諸部王業所基鴻猷爍爍爰允臣民所請

建國紀年自應大書立綱用著

聖朝創建大一統之始謹於神宗四十四年正月特書

列祖

建元之初均繫月特書如通鑑輯覽之例庶史法允

歸據實而於

首出肇基積

德累

功之統緒彌昭公正云

盜擊御史凌漢翀於端門

漢翀與草任督捕凌應登同籍長洲與通譜及為御史以搏擊豪猾自任心惡應登所為不法先是應登緣事嚇取奸民王好賢四千金漢翀庶得發其狀應登亦許漢翀為福清令貪贖及以賄得御史列款上圖報復疏俱留中元日百官行禮畢至端門應登潛率其黨伏門側持鐵鉤突擊漢翀敗面裂衣同官力護得不死巡視皇城給事中元詩教以聞下九卿會勘互訐情事禮科給事中余懋孳言互訐並議非法之平上以為黨比奪懋孳俸尋議漢翀交遘實實端不慎冠帶間住應登發雲南瀾滄衛充軍

質實端門

在承天門北午門南福清明洪武中以福清州地改置縣屬福州府今因之凌漢翀凌應登俱長洲人余

懋孳娶

源人

發明

春秋昭公二十年書盜殺衛侯兄縶左氏以

為齊豹先儒以為宗魯若齊豹則有位於朝
若宗魯則身為驂乘聖人均以盜書聶政刺韓相
俠累司馬遷著之列傳矜為任俠而紫陽亦以特
書筆盜凌應登貪詐不法為漢矜舉發因而挾嫌
誣訐并突肆暴橫例以齊豹宗魯聶政之為即引
經傳以斷斯獄其罪已無可逃況以森嚴禁地糾
黨逞亮目無法紀至於此極乃應登僅予流竄而
漢矜並致罷免刑
政亦豈云平允耶

雨三色雪

是月雨紅黑黃三色
雪屋上多巨人跡

天鼓鳴

是月丁丑易州及紫荆關
皆鳴戍戍陝西洮州復鳴

遣御史過庭訓振山東饑

帝以東省饑民數多劫掠可虞命借太僕寺馬價銀
臨清倉米設法給濟於是戶部議發帑金十六萬兩
及分振米六萬石平糶米六萬石從之遣御史過庭
訓往董其事仍勅速行以慰東人仰望之心時青州
舉人張其猷上東人大饑指掌圖各系以詩有母食
死兒夫割死妻之語見者酸鼻流離入江淮間遂成
人市尋庭訓及巡撫錢士完以救荒事宜十二條上
一定振規二廣振地三勸倡義助振四留漕米十五
萬平糶五開事例量減銀兩自春至夏止六酌贖罪
七搜帑藏八清驛遞九寬禁約錢法鹽法權宜便民
十通水利十一普振十二酌蠲停從之十一
月命蠲本年存留夏稅折徵臨清德州二倉米

二月振畿內山東及淮徐南饑

初淮徐不登以巡撫唐世濟言改折漕糧蠲免未完帶徵米麥及是發淮安府貯庫稅項溢額銀八千七百兩有奇并借支正項溢額銀八千兩易粟煮粥以贍饑民河南亦留稅銀四萬二千餘兩糴穀振之

三月辛未朔日有食之

益黔中餉

黔師自平播後銷兵太多營哨非舊各種夷賊生齒日繁貴州上六衛平定銅仁大江小江等處無日不報苗警而苗仲殺虜職官焚劫屯堡延袤數百里受禍尤慘諸苗南抵滇西抵蜀東南抵西粵種類實繁皆屬土官管轄多桀黠不能制且縱使劫掠陰利其貲不欲翦除苗仲孤己羽翼也黔撫張鶴鳴以為不

大創之則黔旦夕難保而黔兵不滿千且事關三省非貧黔所能獨舉乃與各道臣募兵一萬調土司兵二萬四千餘先勦平定後及兩江然後分兵十路截仲賊之後而洗其巢計一年可收廓清之效而糧餉不繼恐募兵渙散請發帑金十萬質實平定長官司兩兵部議以馬價銀六萬兩予之質實在麻哈州西北明洪武二十二年置屬平越衛三十年屬清平衛弘治七年改屬麻哈州銅仁大江小江銅仁長官司舊屬思南宣慰司永樂十二年置府治於此神宗二十六年改縣西南有銅仁大江西北有銅仁小江合流注於沅江苗仲苗名仲家者踞貴籠平新之間為諸苗渠帥

夏四月河南盜起

舞陽泌陽西平遂平等縣盜賊數百人白晝嘯聚撫臣以聞帝以羣盜結聚日久地方有司隱匿不報降

旨切責仍論文武各官防禦勦撫
務期撲滅以遏亂萌至七月乃靖
地改置泌陽縣屬
南陽府今因之
質實
泌陽明洪武
初以比陽縣

六月套寇犯延綏總兵官杜文煥破降之

前年延綏被寇文煥赴救大破之代官秉忠鎮延綏
寇屢欽邊文煥連敗之于保寧長樂斬首三百有奇
西路酋浩爾齊布延泰等懼相率降惟東路濟農沙
津等猶恃地險駐高家堡柏林仍要請封王補賞文
煥復集兵襲破其營斬首二百五十敵皆披靡而西
路乞盟益亞浩爾齊諸部相與攢刀立誓獻罰九九
而退已沙津又設伏兵誘殺都指揮王國安糾蒙克
錫里連犯雙山波羅二堡文煥擊破之追奔二十餘
里斬首四十一級而還濟農等懼又知西部已和勢
孤弱亦乞和獻罰九九者是時寇衆號十萬分

四十二枝多者二三千以亦千騎及質實九九部落
屢不得志始次第歸款延綏遂少事質實中蜀駝馬
牛羊之數。布延泰
舊作卜言太令改

河決開封

先是五月河決徐州狼矢溝由蛤鰻周柳諸湖入洶
河出直口復與黃會及是復決開封陶家店張家灣
由會城大隄下陳留入亳州渦河陳杞睢等州咸受
其害。是年巡漕御史朱堦請修復泉湖言宋禮築
壩戴村奪二汶入海之路灌以成河復導洙泗洸沂
諸水以佐之汶雖率衆流出全力以奉漕然行遠而
竭已自難支至南旺又分其四以南迎淮六以北赴
衛力分益薄況此水夏秋則漲冬春而涸無雨即夏
秋亦涸禮逆慮其不可恃乃於沿河昭陽南旺馬踏
蜀山安山諸湖設立斗門名曰水櫃漕河水漲則瀦

其溢水於湖水消則決而注之漕積泄有法盜決有罪故旱澇恃以無恐及歲久禁弛湖淺可耕多為勢豪所占昭陽一湖已作藩田比來山東半年不雨泉欲斷流按圖而索水櫃茫無知者乞勅河臣清核亟築隄壩斗門以廣蓄儲帝從其請方議濬泉湖而河決運船迎溜艱險督漕侍郎陳薦開武河等口洩水溜乃質寶狼牙溝在銅山縣東二十里渦河源出鹿平邑縣經亳州北又東經蒙城縣北入鳳陽府懷遠縣界

秋七月地震

大同渾源州同時震八月戊辰延慶州地震

流星入貫索

是月壬午西北有流星行入貫索二星隨之給事中
熊名遇疏言入春以來天鼓兩鳴于晉地流星晝隕
於清豐地震二十八天火九石首雨菽河內女妖遼
東兵端吐火雷燬內監樓居即春秋二百四十年間
未有稠於今日者且山東大侵人相食黃河水稽天
兼以太白經天輔星湛沒熒惑襲月金水愆行或日
光無芒日月同暈為恒風為枯旱天譴愈深而陛下
所行皆誣天拂經之事此誠禽息碎首賈生痛哭時
也敢以八憂五漸三無之說進內庫太實外庫太虛
可憂一餉臣乏餉邊臣開邊可憂二套部圖王察部
覬賞可憂三黃河乏濫運河膠淤可憂四齊苦荒天
楚苦索地可憂五鼎鉉不備棟梁常撓可憂六羣譁
盈衢訛言載道可憂七吳民喜亂寇履倒置可憂八
八憂未已五漸繼之太阿之柄漸付中涓魁壘之人
漸如隕籜制科之法漸成奸數武庫之罷漸至銷亡
商旅之途漸成梗塞五漸未已三無繼之匹夫可熒

惑天子小校可濫邀絲綸是朝廷無網紀滇黔之守令皆窮途揚粵之監司多規避是遠方無吏治讒構之口甚于戈戟傾危之禍慘于蘓張是士大夫無人心天下事可不寒心哉帝不省

中旨修咸安宮

時遣內使至工部侍郎林如楚私寓宣勅旨以奉御汪良德奏准修理咸安宮也輔臣言明旨傳宣定例必由內閣下科臣然後發批若不由內閣不由科發不經會極門不由接本官突以二豎傳宣於部臣之私寓則從來未有之事向來建議諸臣以旨從中出猶且慮之況臣等竟不與聞乎工科徐紹吉等亦疏諫不質實咸安宮明時在文華殿西咸和右門之北先省名咸熙宮會極門嘉靖四十一年二殿成改左順門曰會極門凡京官上下接本俱在此南入為內閣輔臣票本處也徐紹吉平江人保寧衛籍

發明

傳旨必由內閣科道此固本於左史記言之意而實亦以杜近侍假託之私至令內使宣

諭於部臣之私第宰執皆不得與聞此為創見況修繕大內宮室苟非侈窮土木原國家經費所宜及何妨明降諭旨俾將作司其事耶神宗徒以事由奉御奏請恐為廷臣所阻聊以權宜集事俾速鳩工不但定制淪胥並此傳宣矯偽之風必將變本加厲雖當時建議諸臣未嘗不深以旨從中出為慮而概置不問其奈之何

南直隸河南江西廣東災

是年應天溧陽等處水江寧廣德常鎮淮揚等處蝗河南旱蝗捕斗蝗者官給斗穀穀盡蝗愈繁有闔戶自經者土鼠千萬成羣夜銜尾渡江南絡繹不絕一月方止江西水大漲民居蕩析浮屍蔽江廣東南韶

等處淫雨匝
月田禾盡潰

八月備考陵祝帛

南京太常寺少卿桂有根言孝陵元昌清明長至三大祭文物俱備中元孟冬兩忌辰及萬壽節五祭向止陳設酒果應加用牲帛祭文從之

日中有黑子

是月戊辰日也是年三月月犯軒轅大星七月壬午西北有流星入貫索二星隨之十一月丙戌月犯軒轅左角甲午月掩房宿南第二星十二月丙午火星逆行入翼宿初度

陝西巡撫龍遇奇請免包稅不報

遇奇言秦民包稅其苦有三一曰包賠無著之苦天下稅課例屬高賈若秦則三面臨邊商賈罕至向來稅額皆派之丁畝及津梁陶穴築傭之輩今凶荒死徙村里為墟即向來瑣科無從矣一曰稅額獨多之苦秦邊地也瘠土也遠在江南腹裏者勿問即與秦連界者東則山西西則四川稅皆萬許即大藩如河南亦六萬餘秦肥瘠視三省迥殊而稅額多至十萬即蒙恩減而已減之額尚浮於三省未減之額矣一曰牽誤邊餉之苦民止此財官司既督以賠稅自不能并力以輸邊計秦民十八年已輸過稅額一百五十萬兩而坐逋邊餉則已二百四萬足此誤彼質實明驗不爽此包稅所以不可不罷也疏入不報

龍遇奇
永寧人

皇太子出閣講學

皇太子輟講已十有二年羣臣諫疏凡數百上及是始命舉行以詹事府詹事劉一燝少詹事韓爌為侍班官右庶子張邦紀趙師聖左諭德公鼐右諭德龔三益薛三省楊守勤為講讀官皇太子進執事諸臣及賜酒饌皆稱先生進對進做敏妙合法質實皇太子出中外大悅然一講而輟後不復更舉矣

閣講學儀太祖初於大本堂後於文華後殿天順二年定儀注是日早執事官於文華後殿行四拜禮鴻臚官請皇太子陞殿師保等官於丹陛上四拜各官退出內侍導皇太子至後殿陞座以書案進侍班侍讀講官入分班東西立內侍展書侍讀講官以次進讀講叩頭退其每日講讀於早朝退後出閣升座惟侍讀講官入行叩頭禮內侍展書先讀四書則東班侍讀官前伴讀退復班次讀經或史則西班伴讀亦如之讀畢各官退已時各官入內侍展書侍講官次第侍講早所讀書如侍讀儀講畢侍書官侍習字畢

各官叩頭退凡書三日一溫背溫之日不授新書凡書字春夏秋百字冬日五十字朔望節假大風雨雪隆寒盛暑暫停弘治十一年更定三師三少并官僚於丹陛四拜畢從左右門入東西立候讀講畢叩頭退隆慶六年改設座于文華殿東廂正中西向每日讀講官先詣文華門外東西向序立候帝御日講經筵畢皇太子出閣升座凡東宮初講閣臣連侍五日後每月三八日一至先拜出然後各官入劉一燝字季晦南昌人韓壙字象雲蒲州人張邦紀宜興人燕山左衛軍籍趙師聖南豐人公鼐字孝與蒙陰人龔三益武進人薛三省定海人楊守勤慈谿人

九月山東盜太起

東省饑民嘯聚所在攻劫御史過庭訓以聞帝令相機捕除首惡餘設法解散時劇盜張國柱引衆五百

人以絳帛抹首入安邱令懼而逸賊坐正廳事指揮其黨劫庫藏破械出獄囚有縣民王淮者以死罪繫獄乃詐降賊標旗為順號予之俾巡視淮密戒諸囚無動動者死矣陰結縣令為擒賊計約城外張軍聲以撼賊入而宣言于賊曰官軍至矣何不去賊踉蹌出城未及半淮闔扉堅手刃一賊持其首號召吏民令鄉兵各去其帽曰抹首而絳者賊也復立斫渠魁十餘人於是城中人并獄囚並起逐賊盡殲之淮搜獲賊所劫庫物還之官事既定束身入獄巡撫李長庚言淮一罪囚耳而倉卒成定亂之功其佯為從賊智也戮刀殲賊勇也事平就獄口不言功忠也雖殺人者死國有常刑而會典亦有犯斬立竒功准贖之例乞寬一面開義士自効之門帝命釋之嗣有盜渠周堯德張計緒張文朗等各立頭目于泰山歷城章邱萊蕪等處出沒行劫稱堯德為紅竿大王後改稱平師王所至焚燬虜掠支解事主截殺官兵長庚等

遣兵先後勦捕擒斬至四
十五年正月餘黨始散
質實 章邱隋縣宋以後
屬濟南府今因之

詰戎肆武本非
獨恃國操具文

所能握其機要
況時當邊備日
弛士心解體方

有日盛百里之
勢為樞臣者即

以簡練將材充
儲軍實叩閭力

陳猶懼不克有
濟至京營停操

三年果能力為
整飭如古中尉

銜尉所隸亦可

兵部請治兵不報

前以孝定太后喪停操三年至是兵部上
言大禮久竣當新戎壘以應秋氣不省

冬十月益九邊餉

時九邊需餉所在告缺閣臣日請發帑帝以二王婚
禮不敷為辭兵科給事中趙興邦言今日之一二百
萬撫之而有餘他日之幾千萬安之而不足也尋
括內府銀三十萬兩戶部工部銀八十萬兩濟之

發明

當時籌邊餉者不計耕屯不因敵糧下惟請
發內帑上則指借諸司以國家大征繕宗社

安危所寄而為彼此委藉之局已屬非體況部寺
各執經費為辭支左絀右于事何補尋至加徵直

稍資捍禦之用
乃計不出此徒
云當新戒壘以
應秋氣明季諸
臣不知國家利
病習為文貌之
言苟且塞責皆
此類誠可笑亦
可憫矣

省正賦至再至三民窮膏竭盜賊滋起以肢體
之患潰及腹心人謀之不臧果孰貽其咎耶

十一月隆德殿災

前月甲子烈風壞正陽橋坊是月己巳夜殿災大學
士方從哲等言禁城離照之地而橋坊隕於暴風宸
居嚴闕之區而殿宇飛為烈焰旬日之內奇變疊呈
此豈可以尋常視之苟且應之決非青衣角帶之故
事所能挽回亦非減膳撤樂之彌文所能消弭惟陛
下以恐懼之真心行修省之實政破因循之積習振
明作之治功時事之壅滯者盡為舉行羣情之
鬱結者悉令舒暢庶幾人心可得天變可回

質實

隆德殿在嘉德右門南即
元極寶殿隆慶元年更名

丁巳四十五年春二月勅修省

帝以去冬無雪入春不雨京師農事可憂宮中露禱祭郊壇因勅羣臣實心修省是月二十一日雨雪降大學士方從哲吳道南言君之尊猶天也臣之有所祈於君猶之祈天也其為齋心而祝披悃而陳者視三農之望雨不啻過之而心力徒勤挽回莫効甚至疾呼痛哭而上若不聞累牘連章而上如不見是常人之所可必於天者臣不能得于君豈天可問而九重之內不可問乎因擇切要時事求次第舉行不省至五月再勅修省

鎮撫司缺官獄囚久繫多死

大學士方從哲吳道南言今早入朝有百餘人羣聚長安門外環跪號訴詢為鎮撫司監犯家屬言本司理刑缺官無人問斷監禁日久死亡相繼是有罪者不得速正厥法無辜者不得早雪其冤乞即簡補問

官以便審錄不省是年五月閣

質實

鎮撫司錦衣衛初設鎮撫司掌

本衛刑名兼理軍匠洪武二十年以錦衣衛多非法乃焚刑具出繫囚送刑部審錄詔內外獄咸歸三法司罷錦衣獄成祖時復置尋增北鎮撫司治詔獄成化間刻印昇之獄成得專達不關白錦衣而以舊所設為南鎮撫司專理軍匠

封福王常洵庶子由松為德昌王

由松為常洵長子

質實

神宗十年定郡王初封係帝係帝孫儀仗全給

宗室分封漸多勢難遍給也

三月振江西饑

江西水灾留二監稅額銀二萬兩振濟從巡按御史陳于廷請也是年兩畿山東河南山西陝西湖廣福建廣東相繼告灾廷臣有司請振率寢不報

夏五月鳳陽地震天鼓鳴

甲戌乙亥
兩日同

六月以先賢周惇頤後周汝忠襲翰林院五經博士

汝忠惇頤
十七代孫

秋七月癸亥朔日有食之

是月戊辰夜雲陰雷電雨雹大如栗自西南來狂風驟起屋瓦俱震壞社稷壇門及東中門五鳳樓東華

門樓
並毀質實
東中門在中極殿東五鳳樓即午門樓東
曰左掖門西曰右掖門再東曰東華門

貴州苗作亂巡撫張鶴鳴討平之

先是鶴鳴奏知府孫崇先守備孫開祚等擒斬逆苗於平洪邊十二馬頭計一千二百名顆俘獲六百餘人及是復奏孫坪壠朋坐之捷黃土寨賊首老蜡鷄以八十房踞孫坪壠勾約集石頭等寨賊首阿寅等各數十房推老蜡鷄為王貫鵞等為軍門總兵等官憑險負固內監軍安平道謝叅政集諸營兵及都司張鶴鳴等三路並進分奪三關賊據本坐猖悍如故復令土舍王國奇者用間招降仲羅童等設伏擒斬三百餘人老蜡鷄質實
張鶴鳴潁川人平洪十二馬頭死孫坪始靖
在洪舟江西岸屬洪舟泊里長官司孫平即撈平峯攢如削上有仰天窩窩有九井平地可容數千人壠朋坐在孫平南坐後負河環山

疊通三路
各有關

吳道南罷

道南遇事有操執通達政體頗負時望前年典會試舉子有以代倩獲第者湯賓尹嗾其黨交章論之給事中劉文炳御史張至發攻尤力肆口詆譏道南不能堪言臺諫劾閣臣職也二百年來有糾閣臣之言官無詈閣臣之言官臣辱國已甚請立罷黜帝為謫文炳於外言官疏救文炳復詆道南道南益求去杜門踰年疏至二十七上帝猶慰留會母喪乃歸居二年卒

御定資治通鑑綱目三編卷三十